



საპოლიტიკო, სამეცნიერო და სალიტერატურო ნახაზებიანი გაზეთი **გაგონის უკველ კვირა დღეს**
№ 5 **ი ა ნ ვ ა რ ი : 31 1896 წ.** **№ 5**


შინაარსი: მოსოველ ქართველებს აზრი ქეთაისის და თფილისის ბანკების დამფუძნებელთა საწევრო ფულის მოხმარების შესახებ. — სხვა და-სხვა ამბები — კვალის კორესპონდენციები. — საზღვარ-გარეთ. — გ. გაბაშვილის მხატვრობა გორისელი-სა. — წამბე, ლექსი დ. თომაშვილისა. — გ.ზ. „ივერია“ და მისი საპოლიტიკო ხასიათი გ. წერეთლისა. — ჩვენი სახიობა X-ისა. — ქართული სიტყვა კაზხული მწერლობა 1898 წ. (გაგრძელება) ივ. გოპართელისა. — პირიმზე, რომანი (შემდეგი) გ. წერეთლისა. — უცხო სიტყვების ახსნა და განცხადება.

რედაქციის ადრესი: არტილერის ქუჩა № 5, იმის პირდაპირ, სადაც წინეთ რედაქცია იმყოფებოდა.

„ჯეჯილის“ რედაქცია უმორჩილესათ თხოვს გურია სამეზროს სამოსწავლო რჩევას, რომ რედაქციას შეატყობინოს 1896 წელს გამოწერილ „ჯეჯილის“ 18 ეკვემპლიარის ფული აქამდის რატომ არ გამოუგზავნია „ჯეჯილის“ რედაქციაში და ფულის თხოვნაზე პასუხიც არ უღირსებით.

მ. ს. ავ. ჯეგელ ქალთა საზოგადოების სკოლაში (ნაგორისა და გუდოვიჩის ქუჩების კუთხე, № 12), შეიძლება კიდევ მიღება ყმაწვილებისა, როგორც საზოგადოთ სკოლაში, აგრეთვე ქართულ და სომხურ განყოფილებებში. ფასი სწავლისა ამ უკანასკნელ განყოფილებებში არის თვეში 6 მან. (5-1)

ქ. ქუთაისი
ეკიმი ნ. გ. ჭიჭინაძე
 იღებს ავთომეოფთ (ლევაშოვის ქუჩაზე, ზეტრე ხარაზოვის სახლში, № 13) დილის 9-11 და საღამოს 4-6 საათამდის. (10-1)



გ. გაბაშვილი.

მოსკოველი ქართველების აზრი ქუთაისის და თფი-
ლისის ბანკების დამფუძნებელთა საწევრო ფულის
მომხარების შესახებ. ¹⁾

თავად-აზნაურობას ფრიად საყურადღებო კითხვა
აქვს დღეს გადასაწყვეტი: რას მოეხმაროთ ის თანხა,
რომელიც მთავრობის გადაწყვეტილების თანახმად,
ჩვენ შეგვეძლო ჩვენი ბანკებიდან გამოგვეტანა პირა-
დი მოთხოვნების დასაკმაყოფილებლად და რომე-
ლიც ჩვენივე სურვილით საზოგადო საქმისათვის უნდა
იქნეს გადადებული? (როდესაც ამას ვამბობთ, ჩვენ
ღრმად დარწმუნებულნი ვართ, რომ ამ ფულს სხვა
დანიშნულება არ მიეცემა). რომელი საზოგადო საქ-
მე გახდება ასეთი დიადი შეწირულების ღირსი? რა
არის ჩვენივე დღეს უფრო სავალალო და საჭირო,
რომელი მოთხოვნების დაკმაყოფილება უფრო შე-
ეფერება დღევანდელ ჩვენ ცხოვრებას, რა საზოგა-
დო მოღვაწეობა უფრო კეთილ ნაყოფს გამოიღებს
ამ ჩვენ ფერცვლილ ცხოვრებაში? ამ საკითხების გა-
დასაწყვეტად ირგვლივ უნდა მივიხედ-მოვიხედოთ, მკრ-
თალად მაინც წარმოვიდგინოთ ცხოვრების ნამდვი-
ლი ვითარება, მისი ფორმა, გაეუშინჯოთ მაჯა, მთე-
ლი ორგანიზმი და შემდეგ შესაუფრო წამალი მივა-
წოდოთ. რას წარმოადგენს დღევანდელი ჩვენი ცხო-
ვრება, განსხვავდება იგი რითიმე გუშინდელისაგან
თუ არა?

ყველას კარგათ მოეხსენება, თუ რა საჭი-
ბოროტო კითხვაა ჩვენი მიწათმფლობელობისათვის
სიმინდის, პურის, ღვინის, თამბაქოს და სხვა სამეურ-
ნეო ნაწარმოებთა ფასების აწევა დაწევა. ჩამდენიმე ათი
წლის წინათ ქართველისათვის სულ ერთი იყო, რო-
გორ ფასობდა ამერიკაში სიმინდი. შეიძლება ბევრმა
ამერიკის არსებობაც არ იცოდა, მხოლოდ დღეს ყვე-
ლა კარგათ გრძნობს, რომ ჩვენებური სიმინდის ფა-
სი დამოკიდებულია ამერიკის ბაზარზე. მაგრამ ამნა-
ირი დამოკიდებულება განა მართო სიმინდის შესა-
ხებ არსებობს? რა წარმოებაც უნდა ავიღოთ, ამნაირ
კავშირს შევნიშნავთ. ავიღოთ თუნდაც ჭიათურის
შავი-ქვა, რომლის წარმოების დაქვეითება ამ უკანას-
კნელ ხანებში უმეტესათ ევროპის ერების მეტოქეო-
ბამ გამოიწვია. აიღეთ თუნდა რომელიმე ნაწარმოები
შინათ-მრეწველობისა: დარია, შალი და სხ. მისთა-
ნები, ყველაფერს ჩვენივე ფასს უკარგავს ევრო-
პის ქვეყნების ამგვარი ნაწარმოები. ყოველთვის და
ყოველგან ჩვენ ვმარცხდებით და ეს საკვირველიც არ
არის, თუმიცა დაუმარცხებელ მებრძოლთა შთამომა-

ვალნი კი ვართ. წინანდელი იარაღი დღევანდელი
დღეს ბრძოლაში გამოუდგარია, ნაანდერძვე ფრან-
გულ (ხმალს) მხოლოდ სასოგრაოთ თუ მიეკიდებთ
სადარბაზო ოთახში, ცხოვრებას კი ვერ გავვიაღვი-
ლებს. ჩვენი წინაპრისათვის ყიდვა გაყიდვა სრულიად
საჭირო არ იყო; ყველაფერს ოჯახში იმზადებდნენ,
გადაღმა მხოლოდ სასეირნოთ და სასეირნოთ თუ გა-
დაბძანდებოდნენ. დღეს კი სასამელ-საჭმელიდან მოკი-
დებული სახურავ-სამარხამდე ყველაფერი საყიდელი
გვაქვს და გადაღმა გადაუსვლილთ ცხოვრების სახ-
სარს ვეღარ ვპოულობთ: ვყიდით რაც მეტი (?) გვაქვს,
ვყიდულობთ რაც გვაკლია, ე. ი. თითქმის ყველა-
ფერს ვყიდულობთ, რადგან გარდა აქა-იქ დარჩენილ
მიწა-წყლისა, გასაყიდი ბევრი არა გვაბადიარა. ვყიდით
და ვზარალობთ. ან კი რა არის აქ საკვირველი?
ჩვენივე დღეს მიწას ისე იმუშავებენ, როგორც ჩამ-
დენიმე საუკუნის წინეთ ევროპაში იმუშავებდნენ. ის
რაც, მაგ., ამერიკაში ერთი დღის და ერთი კაცის
სამუშაოა, საქართველოში ათი დღის და ათი კა-
ცის საქარია. ჩვენ რომ ერთ ქვეყანაში სიმინდის და-
თესა, მისი დამუშავება, მოწყვეა ჩამდენიმე მანათათ
დაგვიჯდება, ამერიკელს გრომათაც არ უღირს, რა-
დგან ცოდნა და ტენიკა უიაფებს მას ყველაფერს და,
რა თქმა უნდა, რაც იაფათ გაუყვითებია, უფრო იაფა-
თაც გაჰყიდის. ჩვენ კი იმავე ფასათ რამ ვყი-
დით ვზარალობთ. მაშასადამე, მათ რომ ბაზარზე
გაუქსოვრდეთ, საჭიროა შევიძინოთ მათებური იარა-
ლები და ამ იარაღების ხმარების ცოდნა; მისი სასარ-
გებლოთ გამოყენება შევისწავლოთ. აი, სწორეთ ეს
საწარმოო იარაღები იყო და არის ევროპის საზო-
გადობრივი ცხოვრების წინსვლის მიზეზი, მისი ნივ-
თიერათ და გონებრივთ გამაუმჯობესებელი. და რა-
დგანაც ჩვენი ცხოვრება ევროპისას თან-და-თან ემსკავ-
სება და ჩვენი ეკონომიური მდგომარეობა კიდევ უფრო
გვაიძულებს დავემსგავსოთ მას და იმნაირივე სა-
წარმოო ძალა ჩვენშიაც განვივითაროთ, ამიტომ
ევროპის განათლების კარგი და ცუდი მხარეები ყვე-
ლა კარზე გვიკაკუნებენ. კარები უნებურათ უნდა
გაეულოთ, მხოლოდ უნდა ვეცადოთ მომზადებულნი
დავხედეთ ამ სტუმარს. რადგანაც ეხედათ ჩვენი ცხო-
ვრება ძველ ქერქს იძრობს და ახალში ეხევეა, ამიტომ
გვეჭირვება იმისთანა პირები, რომელთაც ეს ახალი
ცხოვრება ადვილობრივ, ევროპაში უნდა ექნესთ შე-
სწავლილი, რომ ამ ცოდნით აღჭურვილებმა შესაფერი
მოღვაწეობა გაუწიონ ჩვენს უეჭიმოთ დაგდებულს
ავათყოფ სამშობლოს. ეგებ ვინმემ გვიპასუხოს: ჩვენ
უნივერსიტეტებიც საკმაო განათლებას გვაძლევენ და
თუ რამე შეწირულებას გავიღებთ, ისევე რუსეთში
მოსწავლეთ დავეხმაროთ. თქმა არ უნდა, ყველას
დახმარება კარგი და პატიოსანია! მხოლოდ თუ მო-

1) ამ ნომრისთვის მომზადებული მოწინავე წიკი-
ლი კვანძამოდის... რედ.

სწავლეთა და მხარებელი ფონდისათვის რაიმე ნაწილი იქნება გადადებული ამ დიადი თანხიდან, მაშინ, უმჯობესი, უფრო სამართლიანი და დროს შესაფერი უნდა ავირჩიოთ. ამ შემთხვევაში ჩვენ საზღვარ-გარეთ სამეცადინოთ გასამგზავრებელ ახალგაზდებზე მივითითებთ შემდეგი მოსაზრებით:

მიჩუკაძე. რუსეთის ყველა უნივერსიტეტებში ქართველთა არამცირელი რიცხვი იმყოფება მაშინ როდესაც საზღვარ-გარეთ ერთი, ან ორი ახალგაზდა მშვიტ-მწყურვალე ეტანება მეცნიერებას.

მეჩუკაძე. რუსეთში ზოგიერთ უნივერსიტეტებში უმეტესობა უზრუნველყოფილია ნივთიერი მხრით; მართალია ზოგიერთ უნივერსიტეტებში ბევრი ფრიად შევიწროვებულ მდგომარეობაშია, მაგრამ თუ ავიღებთ რუსეთში მყოფ სტუდენტთა რიცხვს და მათ შორის გაჭირვებულთა პროცენტს ერთი მხრით და მოსწავლე ახალგაზდათა რაოდენობას ევროპაში და მათ ლარბთა 1/6-ს მეორე მხრით, უეჭველათ ცხადი იქნება მეორეთა უნუგეშო მდგომარეობა.


ჩვენ ახალგაზდათა შორის ორი თუ არის უზრუნველყოფილი.

მესამე რუსეთში მიმავალ ახალგაზდას ყველა სიამოვნებით უწვდის ხელს, მაშინ როდესაც ევროპისკენ გამგზავრება ხშირათ სეირნობათ და სალაღობოთ მიანიათ და მათი უმრავლესობა ყოველსავე საზოგადოებრივ დახმარებას მოკლებულია. თვით რუსეთის მეცნიერნი და საზოგადო მოღვაწენი თავის მიუცილებელ სკოლათ ხდინან ევროპას, უთუოთ რამდენიმე წელი იქ უნდა დაჰყონ, რათა იქიდან თეორიული და პრაქტიკული ცოდნით აღჭურვილნი თავის სამშობლოს ცნობიერი მოღვაწენი დაუბრუნდენ და ცხოველყოფილი ძალა შეიტანონ სამშობლოს მიხენლებულ მიღუნებულ კუთხეებში. ჩვენი ახალგაზდობა რუსეთში ამ მოტანილ მეცნიერებას ეტანება, ამ გადმონერგულ ვარდს ყნოსავს. ცხადია, ამნაირათ ნამდვილ ცოდნის შეძენა ფრიად ძნელია, რადგან ნამდვილ წყაროს ახალგაზდა დაშორებულა, ხშირათ თეორია პრაქტიკას არ ეთანხმება, სიტყვა მხოლოთ სიტყვათ რჩება და ის, რაც თვალსაჩინოა, ადვილი გასაკვება ევროპაში, სრულიად ბუნდოვანი და გამოურკვეველი რჩება აქ, რადგან არა დახელოვნებულ ოსტატთა მიერ გადმონერგული ნიადგს ვეღარ პოულობს. ბევრს ვერც წარმოუდგენია მწარე ნაღველი იმ ბედკრული ქაბუკისა, რომელსაც მეცნიერების ალლო აუღია, მხოლოთ ძალა არ შეწევს მეცნიერების კერას დაუხლოვდეს, რათა თავის წმინდა მიზანს მიწვდეს. უნდა ნიჭიერ ახალგაზდას ბასრი იარაღით შეიარაღებულნი დაუბრუნდეს თავის სამშობლოს, რომ გულწრ-

ფელი, ენერგიული სამსახური გაუწიოს მას, მაგრამ ამათ, ეს სურვილები ფრთა-გაუმლოელი უნდა ჩაიკლას გულში და უნებურათ მიეცეს საზოგადო მიმდინარეობას, ჩვეულებრივი მოსაქმე გახდეს, მხოლოთ თავისი თავის მოსამსახურე შეიქმნეს. ვინ იცის რამდენი ნიჭი და ძალა შექმნილა ამნაირათ მსხვერპლი ნივთიერი უღონობისა, ხშირათ ამის შედეგია, ბატონებო, ის საყვედურები, რომლითაც თქვენ მოგემართათ ხალმე; სტუდენტები სანამ ხართ ბევრს ღაღადებთ საზოგადო საქმეებზე, აქ ჩაოხნავლთ და მართოთ თქვენი კერძო საქმეებისათვის ვარგისართო.

მართლაც და განა გყვენან ჩვენ დღეს საზოგადო მოღვაწენი, თუმცა საზოგადო საქმეები კი ბევრი გვაქვს და კიდე მეტს მოველით, მაგ. ეჭობა, ნაფიცი მსჯეულები და მრავალი სხვა ახალი დაწესებულებანი, რომელთაც საჭკველბის მოტანა მხოლოთ მომზადებულ ადამიანთა ხელში შეუძლიათ?! ახლაც, როცა საზოგადო წარმომადგენელი ან რისამე შესაფერი გამგე-მმართველი დაგჭირდებათ, დიოგენის ფარნით დაეძებთ და ვერ შეჩერებულხართ დაბეჯითებით ეისიმე წინაშე, რომ გადაჭრით თქვათ: ეს კაცი ღირსია ამ საქმისა!.. ერთი-ორი თუ გყვენან, ისანი ხომ უეკდაენი არ არიან, რომ სამაგიეროზე აღარ ვიზრუნოთ... აი, სწორეთ ამ წყლოლის მალამო დღეს თქვენი ქველური გადაწყვეტილება შეიქნება, თუ კი რამდენიმე ნაწილს ამ მოსალოდნელი ფულისა დასადავებთ სასდაკ-გარეთ მოსწავლე ახალგაზდების გასამგზავრებათ და მით ყოველ ოთხ-ხუთ წელიწადში 4-5 ნიჭი-ეკს, მშრომელს და თანადრეულათ მომზადებულ ახალგაზდას შექდენით სამშობლეს. ამისათვის სხვათა შორის ესეც უნდა გახდეს დღეს ღირსი თქვენი ყურადღებისა, რადგან ამ მოთხოვნილების დაკმაყოფილება კეთილზე უკეთილეს ნაყოფს გამოიღებს ჩვენ დღევანდელ ცხოვრებაში.

დარწმუნებული ვართ, რომ რუსეთში მყოფ მოსწავლეთა მიერ საზღვარ-გარეთისაკენ მიითება, რომელიც გულწრფელი რწმენისა და ქვეყნის სიკეთის სურვილის გარდა ევრაფრით აიხსნება, მიიპყრობს თქვენს ყურადღებას და შორიდან მოგზავნილი თანამემამულეთა მუდარის ხმა არ დარჩება „ხმად მლაღადებლისა უდაბნოსა შინა“...



სხვა-და-სხვა ამბავი.

მფილისში არსდება ცალკე კომიტეტი მეურნეობის მინისტრის წარმომადგენლის მედველიევის თავმჯდომარეობით, რომლის საგანია კავკასიის საშინაო მრეწველობის შესწავლა და ზომების მიღება მის გასაუმჯობესებლათ.

მთავარ-მართველის განკარგულებით თფილისში არსდება სამი კომიტეტი იმის შესამუშავებლათ, თუ რა მონაწილეობა მიიღოს კავკასიამ პარიჟის მსოფლიო გამოფენაში. თითოეულ ამ კომიტეტს დაეჭემა მდებარეობა წარმოების სამი დარგი: მეურნეობა, მრეწველობა და მთა-მადნების წარმოება. ამაჲ უნდა მიეუმატათ ისიც, რომ ქართველ მემამულეთა შორის კაი ხანია კითხვა აღძრული იმის შესახებ, რომ პარიჟის გამოფენაზე საქართველოს ნაწარმოებთა ცალკე განყოფილება გაემართათ. კარგი იქნება ეს აზრი მართა აზრათ არ დაჩივბოდეს და განხორციელებასაც ელირსებოდეს.

აზრათ აქვს კავკასიაში დააარსონ შუმის მკეთებელი საექციონერო საზოგადოება. წესდება ამ საზოგადოების უკვე წარუდგენიათ სამინისტროში დასამტკიცებლათ.

აზრათ აქვს გააუქმონ ამიერ-კავკასიის სასტატისტიკო კომიტეტი და იმის ნაცვლათ დააარსონ კავკასიის ყოველ გუბერნიაში განსაკუთრებით სასტატისტიკო კომიტეტი.

ერთი რუსული გაზეთის სიტყვით ქუთაისში არსდება ამხანაგობა, რომელსაც მიზნათ აქვს ქუთაისის გუბერნიის მთა-მადნების წარმოება, რისთვისაც ქუთაისში ლაბორატორიასაც აარსებს.

ამ მოკლე ხანში გაიმართება შაფი-ზღვის პირის გუბერნიის მევენახეთა და მეღვინეთა საერთო კრება სხვა-და-სხვა საგნის შესახებ მოსალაპარაკებლათ.

მთავარ-მართველმა აცნობა კავკასიის გუბერნატორებს, რომ სენატის გადაწყვეტილების ძალით, სოფლის საზოგადოებათ ნება არა აქვთ გააუქმონ ძველი „პრიგოვორი“ ერთი უწყების სკოლის შენახვის შესახებ და გააკეთონ ახალი „პრიგოვორი“ მეორე უწყების სკოლის შესახებ.

3 თებერვლიდან ქიათურის რკინის გზაზე ფუთი შაფი-ქვის გადატანა ელირება 7 კაპ. ნაცვლათ 10 კაპ.

გასულ შაბათს ჩვენ მოვისმინეთ ქ ბ-ნ განდგილის მიერ ლექსათ ნათარგმნი „ვაი ჭკუისაგან“ და უნდა აღვიაროთ, რომ ეს თარგმანი დიდ განძათ ჩაითვლება ჩვენ ლიტერატურაში. ისეთი მკაფიო, ცოცხალი და მსუბუქი ენით გადმოთარგმნილი, როგორც განდგილის თარგმანია, ჩვენ ლიტერატურაში მეორეც არ მოიპოვება. გრიბოედოვის თვით

უძნელესი ადგილებიც ისე ნათლათ და სწორათ არის გადმოცემული, რომ გვგონება ის თვით ავტორს დაუწერიაო. ქ-ბ-ნ განდგილს ჩვენ ეურჩეთ ხელი მიჰყოს თარგმნას და უცხო პოეზიის შესანიშნავი ნაწარმოებნი ჩვენ მწერლობას შესძიოს.

19 თებერვალს ბაქოში გაიმართება ჩვეულებრივი ქართული საღამო „წ. კ. საზოგადოების“ და ბაქოს ქართული წიგნთ-საცაეის სასარგებლოთ.

ხუთშაბათს 4 თებერვალს, ქართულ თეატრში დანიშნულია ჩვენი ნიჭიერი არტისტის გედეანოვის ბენფეისი, რომელსაც წელს ათი წელიწადი შეუსრულდა მას შემდეგ რაც სცენას ემსახურება. წარმოდგენილ იქნება კომედია „ჯან მეგობრებო“ სარდუსი და ბოლოს გაიმართება დივერტისმენტი.

სამშაბათს 2 თებერვალს, თფილისის სახალხო თეატრში გაიმართება ქართული წარმოდგენა. წარმოდგენენ კნ. ბ. ჯორჯაძის „რას ვეძებდი და რა ვპოვე“. დასაწყისი 7 საათზე.

რედაქციამ მიიღო წეს-კითხვის საზოგადოების გამოცემა N: 33 „საყმაწვილო მოთხრობანი“ ექატეხინე გაბაშვილისა. ამ წიგნში მოთავსებულია 16 მოთხრობა და ამ 16 მოთხრობაში გარდა ოთხისა ყველა გადმოსცამებულია „ჭეჭილიდან“. გვიკვირს, რომ ამ ღრმათ მოსუტეხულია საზოგადოებამ აქამდის არ იცის წესი, რომ უნდა მოესხუნებია ეს გამოცემა.

ამ წლის „ჯეჟილის“ პირველი ნომერი დაიბეჭდა შემდეგი შინაარსით: ახალი წელიწადი; ლექსი—შ. მღვიმელისა, ჩაშხამებული ახალწელიწადი, მოთხრობა—ეკ. გაბაშვილისა, ზაქროს ნატერა, ამბავი—აფ. ბაჩნოვისა, ნატერა, ლექსი—დუტუ-მეგრელისა, მგლები, ნამღვილი ამბავი—თ. ჩხაიკაშვილისა, ტყის სურათები, ლექსი—შ. მღვიმელისა, როგორ მრავლდებიან ფრინველები—ილიკოსი, ძველი საბერძნეთი, ზღაპრული ამბავი—კოტკისი, ახალი თეზეოსი (ფრანგულიდან) თარგ.—ეკ მ—სა, საკვირველებანი ბუნებისა N: 21 ლელესუარი ჯადო აღნაშვილისა, არწივი—აფ. მ—შვილისა, წერილმანი: ხალხური, აკროსტიხი, ანდაზები, გამოცანები, უჯრების ამოცანა, სათამაშო გამაცანა, რებუსი რ სხ.

ამასთანავე „ჯეჟილის“ რედაქცია აცნობებს ქართულ მოჯახებს, რომ მას ხელის მომწერი ჰქავს თფილისში 19 და ქალაქს გარეთ 72.

„კვალის“ კორესპონდენციები.

ბათომი. ამ ზამთარში ბათომს ეწვია მრავალი მუშაკაცი სოფლებიდან. იციან, რომ წინათ ბათომში აუარებელი სამუშაო იშოვებოდა ამ დროს. წინეთ სოფლები ცოტას მოიცილიდა თუ არა, ჩამოვიდოდა ბათომში, ორ-სამ თვეს წაიმუშაებდა და ხელდაშეწებული გაუდგებოდა შინისკენ, სადაც აუარებელი შოთხონილება უნდოდა დაეკმაყოფილებინა. დღეს? დღეს კი ეს ყველა შეცვლილია, მუშახელი ორი-სამი თვეობით უცდის სამუშაოს მოიხსნას, არა თუ ხელათ ჩამოვიდეს და იშოვოს ისე, როგორც წინათ იყო. ამისთვის დღეს მათი უმეტესობა უსაქმოდ უელის გარს ქარხნებს: იქნება გამიღიმოს ბედმა და მიმიღონო. ამ გვართ ჰუშახელის გამრავლებამ ხელფასი დასცა, ხელფასის დაცემამ კი ყოველნაირათ დაქვეითა ისეც დაბეჩავებული მუშა. დღეს ბათომში 60 კ. იწყება დღიური მუშის ქირა და იშვიათათ 1 მ. აღის. უმეტესობას 70 კ. ეძლევა; ამასთანავე წარმოიდგინეთ ის სიძვირე, რაც ბათომშია, როგორც ბინის აგრეთვე საზრდოს მხრივაც და სრული ცნობა გექნებათ, თუ ჩამოდენათ გაჭირებული უნდა იყოს ბათომელი მუშა; ვთქვით ესენი მიიღეს კიდევ ქარხანაში და გაყვეთ ჩვენც უკან. პირველ ორ სამ დღეს ხალისიანათ მუშაობს, რადგან არ იცის მისი მომავალი თუ რა იქნება ამ გვარი მუშაობით; შემდეგ გაიცნობს თუ არა სამუშაოს, კითხულობს, თუ თვეში რამდენი უნდა აიღოს ფული და რამდენი შეუძლია გადადვას იმ საჭიროებისათვის, რამაც ააძულა ასე მოსვლა. გაიგებს თუ არა აქაც უიმედობას; უკმაყოფილოთ ემორჩილება ბედს, (ან რა ღონე აქვს წინააღმდეგობის?) ამ გვართ მცირე ხელფასში, როგორც ბათომის ქარხნებია და აგრეთვე მოიჯარადრესთანაც, სადაც გემები იტვირთება ნავთიანი იაშვიკებით და ფიცრით დატვირთულ გემებს ცლიან კიდევ, იქაურმა მომუშავემ საზრდო და ბინა იაფ-ფასიანი უნდა იშოვოს, რასაც მოჰყვება ავამყოფობა; ამ ბოლოს დროს ხომ უმეტესობა დიდ განსაცდელში არიან ჩაცვინულნი.

ბათომში თორმეტამდე ნავთის ქარხანაა, მხოლოთ უფრო მეტი მუშები, ამ დროებით როტშილდის, მანთაშოვის, კოვიანოვის და ხაჩატურიანის ქარხნებშია, ამათში მარტო როტშილდის ქარხანაა ავამყოფობის დროს, ცოტათი მაინც ხელ-მისაწე-დენი, მუშა ხალხისათვის. იქ აქეთ ავთიაქი, ჰყავთ მუდმივი ფერშალი და კვირაში სამჯერ უფროსი ექიმიც მოდის მუშების გასაშინჯათ. შეიძლება სახლშიაც მოწვევა ავამყოფ მუშასთან ქარხნის ფერ-

შლისა ზ დანიშნულ დროზე ექიმისასაც, თუმცა ეს კი იშვიათი მოვლენაა. როტშილდს შემდეგ მეორე ალაგი ქარხნის სიდიდით და მუშების სიმრავლით მანთაშოვის უჭირავს, აქ კი ფერშალს და ექიმს ძლიერ იშვიათათ ნახეთ, ავთიაქის დანიშნულებას ერთი ფიცრული შენობა ასრულებს, მხოლოთ არავითარი წამალი არ არის შიგ, გარდა „იოდოფორმისა“ და ამ დანიშნულებას გარდა ეს შენობა „ყარაურის“ თავ-შესაფარიც არის. ყოველ უბედურ შემთხვევის დროს რაც ხშირათ ხდება ქარხნებში (მუშის ხელის მოჭრა თუ სხვა რამე), ფერშალი ტელეფონით უნდა მოიწვიონ ბაზრიდან, სანამ ის მოვიდოდეს, მანამდე რომელიმე ნოქარი ფერშლობს; ხშირათ მოხდება, რომ ფერშალი არ იქნება სახლში, ან ფაეტონი ვერ იშოვა დროზე, მაშინ კი უნდა მოუყადონ სანამ მოვიდოდეს, თუ გინდ ორი-სამი საათიც დაავიანდეს, ამ დროს განმავლობაში კი საწყალი მუშა სისხლიდან იცლება. თუ მანთაშოვის ქარხანა ამ მხრივ არის შესანიშნავი, ამას არც წოვიანოვის და ხაჩატურიანისა ჩამოუვარდება, იქ ალარც ასეთი მოწყობილებაა.

დასასრულ, საჭიროა მეტი ყურადღების მიქცევა ამ ქარხნებზე ვისგანაც ეს რიგია. მართალია ახლაც აქცევენ ყურადღებას, კანტროლს უშვებიათ, მარა ისე რომ წინდაწინ აცხადებენ: ხვალ ესა და ეს ქარხანა უნდა დავათვალიეროთო და ამ გვართ გაფრთხილებული მექარხნე ხელათ ასუფთავენს და ამზადებს, ყველაფერს ქარხანაში და თვალს უხვევს მყვირალა „კანტროლს“. იმეღია ერთი ორი უკვე მომხდარი უბედურება მას გამოცდილებას შეძენს და მით ცოტათი მაინც შეუმსუბუქებს ტვირთს დაბეჩავებულ მუშა ხალხს.

ყველა ამაებს შემდეგ, მაგონდება ბ. გვინეს სიტყვები: „ავამყოფნი უფრო გულ-კეთილნი არიან: ტანჯვა უფრო აადამიანებს იმათ“.

გ—ი—ც—ი.

სოფ. საჭილაჯო. ამ სოფლის მკვიდრთა შეადგენს ორი სხვა და-სხვა წოდება: გლეხი და აზნაური. რომ ცოტათი მაინც ვაიგოს მკითხველმა ამ ორი წოდების წარსული და აწყო, საჭიროა გავაცნოთ ამ სოფ. ისტორიული მსვლელობა: ბატონ-ყმობის დროს ეს ორი წოდება ძალიან დაშორებული იყო ერთმანეთზე. უმეტესი ნაწილი გლეხებისა შეადგენდა აზნაურების ყმებს, რომელნიც, რასაკვირველია, არავითარ შევიწროებას არ აკლებდენ. მათ აზნაურებს მეგრელების თავადისაგან ჰქონდათ ნაბოძები ბევრი ადგილ-მამული, რის დასამუშაველათაც საჭირო იყო ბევრი მუშა ხელი, ამიტომაც თავადმა ამ სოფლის მკვიდრნი იმათ აჩუქა. ესენი გახდენ, ზოგი მიწის მუშათ,

ზოგი შეძალდით, ზოგი მელორეთ, ზოგიც კიდევ უარესი საქმის ამსრულებლათ და ყოველი ღონისძიება იყო მიმართული იმაზე, რომ ეს წოდება დაჩინილიყო მუდამ იმათ ცხოვრების იარაღთ. ისინი იმ დროს გლეხში არ ხედავდნენ არავითარ კაცობრიულ გრძნობას (უმეტესი ნაწილი მათი ახლაც იმ აზრისა არის, რომ გლეხი სულ სხვა აგებულობის და გრძნობის არის ვინემ თავად-აზნაური. საქმე იქამდის მივიდა, რომ გლეხის შეილებს ბატონის გათხოვილ ქალებს მშითვით ატანდნენ. მაგრამ როცა ეს ნეტარი დრო ხელიდან გამოეცალათ, დადგა მათთვის საშინელი კრიზისი. უშრომობას დაჩვეულნი, ვერ შეუბრძნდნენ შრომას და ცხოვრება კი თავისას თხოვლობდა. პირველათ რომ არ დატყობოდათ მუქთა ხელის უქონლობა, იწყეს მუშაობა ნაქირავეები კაცებით, ამას თან მოჰყვა ვალის აღება და ვალს კი—ადგილ-მამულის ბანკში დაგირავება, რის შედეგიც არის დღეს ის, რომ, ვერც ერთმა მათგანმა ბანკიდან ადგილი ვერ დაიხსნა და იქმნა გაყიდული ბანკის სასარგებლოთ. ეს ბრწყინვალე წოდება (გვართ კორძაიები) დაადგა რა გადაშენების გზას, არას გზით არ მოხერხდა იმათი იქიდან გადაყენება და ვისაც უწინ იმათი სასახლე და ცხოვრება უნახავს, დღეს თვალ წინ დაესურათება მხოლოდ ნაშთი. შიგ მცხოვრები, ტარიელები, თუმცა უწინ თავზარს ცემდა თავის ბოხის ხმით არა თავის მზგავსს (დაბალ-წოდებას), ახლა დამალულან და სახლიდან გამოსვლისაც ეშინიათ, ვაი თუ გლეხმა შეურაცხყოფა მიაყენოს ჩვენ მაღალ-კეთილ-შობილებასა. (სწორეთ ახლა კი ასრულდა მოლა მასრადინას სიტყვები: ვისაც ჩემი ახალგაზდობა არ უნახავს, ჩემი სიბერე ღმერთმა ნუ აჩვენოსა). საკვირველია ის გარემოება, რომ ბრწყინვალე კლასებში სხვაგან ხშირათ გამოერევა მოწინააღმდეგე მათი ძველი უპირატესობის და პარაზიტობისა, მაგრამ ჩვენ აზნაურებს ამისთანა პირი ჯერ არ დაბადებიათ.

ახლა გადავხედოთ გლეხების ცხოვრებას. ესენი განთავისუფლდნენ თუ არა აზნაურების დესპოტიზმისაგან, მაშინვე მიჰყვეს ხელი თავის სასარგებლოთ შრომას. გლეხმა მალე შეიგნო თავისუფლების მნიშვნელობა და არავითარ ღონისძიებას არ აკლებს, რომ რამე ნაირათ წინ წაიედეს მატერიალური მხრით. დღეს რომ იმათ ეზოში გაიაროთ, გაგიკვირდებათ, ისე კონტათ არიან მოწყობილი (სხვა სოფლებზე შედარებით). როგორც დანარჩენი სოფლები იმერეთისა, ეს სოფელიც განთქმულია მკლავადებით. სწავლა-განათლებლაზე ხომ არაფერ არ ფიქრობს; აქ არსებობს ოთხ-განყოფილებიანი სამინისტრო სკოლა. ყოველ სექტემბერში სასწავლებელში ტყვა არ არის, მაგრამ

სწავლის დასრულება 20% არ შეუძლია. რატომ? თუ მატერიალურათ კარგათ არიან, მაშ რაღა უშლის სწავლის გაგრძობასა იკითხავთ. კიდევ ეს არის, რომ მატერიალისში შეიქნა იმათთვის თავი სახსარი ცხოვრებისა და ამიტომ სწავლასაც მეტ-ბარგათ უყუარებენ. ყმაწვილმა ერთი ან ორი წელი თუ იარა სკოლაში, მერე სწავლას თავს ანებებს და ხერხის ზეფოდში მირბის სამუშაოთ. რამდენათ ეს სოფელი სწავლა-განათლებით უკან არის ჩამორჩენილი, ამას ამტკიცებს ის ფაქტი, რომ 1884 წ. ამ სოფ. სკოლაში თვით ამავე მასწავლებლის ი. კაპანაძის მეცადინობით დაარსდა ბიბლიოთეკა; დღეს კი იმისი სახსენებელიც არ არის და ბევრმა არც კი იცის, იყო თუ არა აქ ამისთანა რამე.

ამ სოფლის ეკონომიური ზრდა წინ წასწია ბ. სერებრიაკოვის ხერხის მანქანამ, რომელიც არსებობს 1898 წლიდან. მეტი არ იქნება ამ ქარხნის აუკარგი მკითხველს გაუუზიაროთ. ბ. სერებრიაკოვმა დააარსა თუ არა აქ ხერხის მანქანა, სოფლათ გაეარდა ხმა, რომ აწი ამ სოფელს აღარ უნდა სხვა სახსარი ცხოვრებისა, რადგან ქარხანას შეუძლია დააკმაყოფილოს ყველა მისი მოთხოვნილებათ. ბევრმა სიმინდის მოყვანასაც თავი დაანებეს და ხანა გაღებულნი შეყურებდნენ მას, აი ეს არის გაემდირდებითო. მაგრამ იმედისა და სინამდვილეს შუა დიდი მანძილი იყო.

ატ—ტი.

ს ა ზ დ ვ ა რ - გ ა რ ე თ

ონგლისი. ამ თვეში დაიბეჭდა „ტრად-იუნინთა საზოგადოების მეათე წლიური ანგარიში“, საიდანაც ვეცობულობთ შემდეგს: 1897 წ. ამ მუშათა საზოგადოებების რიცხვი ყოფილა 1287 ჯ ჰყოლია 1,609,909 წევრი. მათში 93 პროცენტი მამაკაცია, ხოლო დანარჩენი დედა-კაცი. ტრად-იუნინთა რიცხვი თან-და-თან მატულობს, თუმცა ჯერ კიდევ შორს არის ის, რომ მუშათა უმრავლესობა შეერთებულ ორგანიზაციას წარმოადგენდეს. მაგ. 1892 წლიდან მათ მომატებიათ 109,458 წევრი. უძველესი ორგანიზაცია 35 წლისაა, ხოლო უახლესი 19 წლისა. ას უძველეს ორგანიზაციას 1892 წელს ჰქონებია 14 მილიონ ნახევრამდის შემოსავალი (14,558,850 მან.), გასავალი კი ცოტა ნაკლები, ხოლო ხელ-უხლებელ ფონდათ კი 16 მილიონზე მეტი (16,187,900 მ.) და ყველა ეს 903,981 წევრს. 1897 წ. წევრთა რიცხვი ასულა 1,059, 609, შემოსავალი გამხდარა ოც მილიონამდე (19,819,710 მ.)—გასავალი ორი მილიონით ნა-



კლები, ხელ-უხლებელი ფონდი ოცდა ორ მილიონს გადაცილებია (22,736,190 მ.). ექვსი წლის განმავლობაში (1892—97 წ.) სულ დაუხარჯავთ 92 მილიონ მანეთზე მეტი. ამათში, 22 მილიონამდის დახარჯულა გაფიცვაზე, 54 მილიონ ნახევარი უსაქმოდ დარჩენილთა და სხვაგვარ შესაწევნელათ, ხოლო დანარჩენი გამგებობაზე. საიდან დგება ამდენი შემოსავალი? ეს დგება საწევრო ფულისაგან. მაგ. 1897 წ. თითო წევრს შემოუტანია არა ნაკლებ ერთი თუმნისა, ხოლო ორი და მეტი თუმნის შემოტანაც ძალიან ხშირია. ექვსი წლის განმავლობაში წევრს წელიწადში საშუალო რიცხვით 15 მან. შეუტანია.

— ირლანდიაში, თანახმად ახალი კანონისა, მოხდა ადგილობრივ თვითმართებლობათა წევრების არჩევანი. ორ ძველ პარტიას—უნიონისტებს (ინგლისის მომხრეებს) და ნაციონალისტებს მიემატა მესამეც—„შრომის პარტია“ და ასე ბრძოლა ატყდა სამ პარტიას შორის. ეს ბრძოლა შესანიშნავია იმიტომ, რომ ირლანდიის მუშა-ხალხი პირველათ გამოვიდა საარჩევნო ასპარეზზე და „ტიმისის“ სიტყვით სრული გამარჯვებაც ირგუნა. დუბლინის (დუბა-ქალაქია) არჩევნებზე პირველმა პარტიამ დაკარგა ხუთი ადგილი, მეორემ ექვსი, ხოლო მესამემ მოიგო თერთმეტი. ლიბერალის პროვინციაში 40 არჩეულთა შორის 25 შრომის პარტიისაა. ქ. კორკის საბჭოში ახლათ შევიდა ცხრა მუშათა წარმომადგენელი. ჯერ ყველა მუშაში არ მომხდარა არჩევნები, მარა სადაც მოხდა თითქმის ყველგან საშინლათ დამარცხდნენ უნიონისტები, შეფერხდნენ ნაციონალისტები და წინ წამოდგნენ მუშები. ბრძოლა გამწვავდა განსაკუთრებით დუბლინში. ნაციონალისტთა ცნობილი მეთაური, დეპუტატი ჰარინგტონი, და ქალაქის მოურავი დამარცხდნენ მუშათა პარტიის მიერ. ბევრი გავლენიანი მოღვაწეები გახდნენ იძულებული საზოგადო სარბიელი ამ ახალ ძალისთვის დაეთმოთ. ინგლისის პრესსა ერთიანათ ააყაყანა ამ გარემოებამ და ამბობს: პროლეტარიატის გამარჯვებას ისევ ნაციონალისტთა გამარჯვება ჯობდაო...

საშრანგეთი. ინგლის-საფრანგეთის უთანხმოების გამო პარიჟის შეერთებულ სოციალისტთა ჯგუფებმა ინგლისის მუშა-ხალხს მანიფესტით მიმართეს, სადაც კიცხავენ ორივე ქვეყნის აბსტრაქტულ კლასებს და ასე ათავენენ: ომიანობა—ეს მათი ინტერესია, მშვიდობიანობა—ეს ჩვენი ინტერესია, ბრძოლის ველზე ჩვენ ვღვრივთ სისხლს, ისინი კი შინ სხედან, ომით გამოწვეული სარგებლობა მათია, ზარალი კი ჩვენი. მაშ გაუმარჯოს ხალხთა შორის მშვიდობიანობასო. ამ აზრის გასაერყვლებლათ 24 თებერვალს ლონდონის ჰაიდ-პარკში დანიშნულია დიდი


მიტინგი, რომელსაც დაესწრება ყორესი, როგორც წარმომადგენელი საფრანგეთის სოციალისტთა პარტიისა.

— დრეიფუსის საქმე ყველას მოწყინდა, ყველას თავი მოაძულა და მისი დაბოლოვება მაინც არ მოეწყო. მას ჩაფრენიან ფრანგები და ზოგი აღმასწევს, ზოგი დაღმა, ხოლო ყველა კი ერთ ალაგას აჩერებს და ამაგრებს. ამ საქმემ თუ ასე იარა, ვეჭვობთ, რომ წელსაც გადაწყდეს.

გერმანია. მაშინ როდესაც ნემცებმა პოზნანში ვერაფერი გააწყვეს პოლონელთა გასაგერმანელებლათ, რაც უფრო შევიწროეს ესენი მით უფრო გამრავლდნენ და გაძლიერდნენ, შლესვიგ-პოლშტაინში სულ სხვა დაატრიალეს. აქაური დანიელები ვერ უძლებდნენ ნემცეთა მშვიდობიან კონკურენციას შრომის და მოქალაქეობის ნიადაგზე და რიცხვით თან-და-თან კლებულობდნენ. მაგ. 1858 წ. მათი რიცხვი ყოფილა 140,950 სული, ხოლო 1890 წ.—134,064. გამრავლების მაგიერ დაკლებულა. სად წავიდა ხალხი? სად და ზოგი შიგ გერმანიაში გადასახლდა და იქ ეროვნულათ გაიღესა, უმრავლესობა კი ისევ დანიაში წავიდა, სადაც ყოველივე დახმარებას და შეღავათს აძლევდნენ. ჩვენ გვგონია, მათ რომ გვერდში დანია არ ჰქონებოდა ამოჭიმული, ისინი თავისივე პროვინციაში შეეცდებოდნენ გამძლავრებას და ცხოვრების მკვიდრ ნიადაგზე დაყენებას. პოზნანის პოლონელთა გამძლავრებას ხელი შეუწყო იმ გარემოებამაც, რომ სხვაგან არსად მოელოდნენ დიდ შეღავათებს და ისევ შინ ცხოვრებას რჩებოდნენ.

— ამ ქამათ პრუსიის მთავრობამ შეიმუშავა კანონ-პროექტი სახალხო მასწავლებელთა ქვრივობლების პენსიის შესახებ და დეპუტატთა საკრებულოს გადასცა განსახილველათ. ამ პროექტის ძალით: მასწავლებლის ქვრავს, ორთა მუა რიცხვით, მიეცემა 625 მარკა (ერთი მარკა=45 კაპ.) წელიწადში, ანუ 375 მარკით მეტი ვინემ ახლა ეძლევა; მასწავლებლის ობოლს, რომელსაც დედაც ჰყავს, მიეცემა 94 მარკ. ანუ 50 მარკით მეტი ვინემ ახლა ეძლევა, ხოლო უდედოს მიეცემა 144 მარკ. ქალაქებში პენსია მეტაა, სოფლებში კი ნაკლები. ამ ფულის ერთ ნაწილს—უმცირესს—იძლევა ხაზინა, მეორე ნაწილს საზოგადოება. ხაზინა ეწევა ამ საქმეში მხოლოდ სოფლის საზოგადოებას, ქალაქისას კი არა, თქვენ მაინც მდიდარი ხართ და თქვენივე ხარჯით მოაწყვეთო. მოსალოდნელია დეპუტატები ამ უკანასკნელ პარაგრაფს შეცვლიან და დანარჩენთ დამტკიცებენ. კანონი ძალაში შევა 1900 წლის პირველი აპრილიდან.

— გასულ წელს მთელ გერმანიაში ასათ-ამ-




აკვანი (გ. გაბაშვილის მხატვრობიდან).

წყობთა დიდი მოძრაობა იყო. იმათ შეიმუშავეს დღის ქირის საერთო რაოდენობა და მოითხოვეს აღებისაგან მისი მიღება. წელს ამ მოძრაობის ანგარიშში გამოვიდა, საიდანაც ეტყობულობთ შემდეგს: ასოთ-ამწყობთა მოთხოვნისებზე პირველათვე მიიღო 2030 ფირმამ, ეს რიცხვი წლის გასულს ავიდა 2674 ზე, რომელნიც 25732 მთავარ ასოთ-ამწყობთ ამუშავებენ. 539 ფირმას თავისი ძუშათა რიცხვი არ მოუცია. ამ თვის 16 მოხდა ფირმების და ასოთ-ამწყობების საერთო მოლაპარაკება საერთო ქირის შემოღების შესახებ მთელ გერმანიაში.

— გერმანიაში წარსული წლის ნოემბრის თვეში მოხდა 40 გაფიცვა, ლექსებში კი მხოლოდ 19.

გელზია. სამინისტროს ორმა წევრმა სამსახურს თავი დაანებეს. ეს თავის თავათ დიდ მოვლენას არ წარმოადგენს, მაგრამ ახლა გამოჩნდა მიზეზი მათი გასვლისა, რაც დიდად საგულისხმეოა ბელგიისათვის. ამ ქამათ ბელგიის სამი პარტია—სოციალისტიური, რადიკალ-ლიბერალური და ქრისტიან-დემოკრატიული—შეერთდნენ საერთო და თანასწორი კენჭის ყრის უფლების მოსაპოვებლათ. თუ ამ მიზანს მიაღწიეს, მოსალოდნელია რომ მომავალ არჩევნებზე სოციალისტები ან და სოციალისტ-რადიკალები გაიმარჯვებენ და პარლამენტის უმრავლესობათ გადაიქცევიან. მეფე ეს 30 წელიწადია პოლიტიკაში



ებრაელი (გ. გაბაშვილის მხატვრობიდან).

არ ჩარეულა და არც პარტიათა ბრძოლაში მიუღია მონაწილეობა, როგორც ამას კონსტიტუცია ავალდებს. მაგრამ ახლა სოციალისტთა შიშით, გამოვიდა თავისი ნეიტრალური მდგომარეობისაგან და ის ორი ლიბერალი მინისტრი, მომხრე საყოველთაო კენჭის ყრისა, სამსახურიდან დაითხოვა. ეს პირველი მაგალითია ბელგიაში და რადიკალური პარტიებიც აცხადებენ: ამიერიდან ბრძოლა ჩვენ და მეფეს შორის იწყებაო...

ბაზარი. ამ ქვათ ფუთი ჩვენებური სიმინდისა ლონდონში ღირს 67 კაპ. აბრეშუმის მოთხოვნილება ლიონში დიდია. ფაბრიკებს დიდძალი „ზაკაზები“ მოსვლიათ და თუ პარკი კიდევ იყო სადმე გაუყიდავი დიდ ფასში გაიყიდება.



გ. გაბაშვილის მხატვრობის გამოფენა.

ამ მოკლე ხანში გ. გაბაშვილის მხატვრობის გამოფენა ყველაზე უფრო შესანიშნავ მოვლენას შეადგენს თფილისში. ამ გამოფენამ უცებ ააშალა ჩვენი ქართველი მხატვრის სახელი. პირველივე ნახვა მისი მხატვრობისა, ვისაც კი ოდნათ მაინც ესმის, რასში მდგომარეობს ამა თუ იმ მხატვრობის ღირსება, ცოტა არ იყოს, განცვიფრებაში მოიყვანს მის, უნებურათ ეკითხები შენ თავს, ნუ თუ ქართველებში შესაძლებელია, რომ ასეთი ნიჭი განვითარდეს და, თუ განვითარდა, რატომ აქამდის არ შეგვიჩინა მართლაც, რომ ასეთი კითხვები სწორეთ დახასიათება ახლანდელი ყოველიფრით ღარიბი ქართველი საზოგადოებისა, რომლისთვისაც ასეთი ნიჭ ერება მეტ ბარგს შეადგენს და იმის იმედით თუ დარჩა, ვერც გაიჯანს თავს. დღეს ჩვენ ჟურნალ-გაზეთებს ენაზე აკვრია გ. გაბაშვილის მხატვრობის სჯა: ზოგი გამომეტყველებას უწუნებს, ზოგი პეიზაჟის უხერხულობას, ზოგიც ასე ამბობს, ყოველიფერი ნამდვილათ არის გამოყვანილი, მაგრამ მის მხატვრობას იღვა აკლიაო. საზოგადოთ ვერაფერ ვერ იფიწყებს იმ ცხოველმყოფელ შთაბეჭდილებას, რომელიც მოუხდენია მაზე გ. გაბაშვილის მხატვრობას; ხოლო ეს უკანასკნელი თვისება მხატვრისა კი უტყუარი საბუთია მისი ნიჭის და ხელოვანობისა.

ყოველ კაცს პირველ ნახვაზე გაბაშვილის მხატვრობა აკვირებს ფერადების სიცხველოთ, სურათების სიცოცხლით და ტიპური შთაბეჭდილებით. მისი რომელიმე სურათი, ან მთელი გრუპა, მაშინვე იწვევს მხახველის წარმოდგენაში ათას ნაირ მოგონებას და სანახაობას, რომელიც მას თავის ცხოვრებაში უნახავს და გამოუცდია. ეს თვისება მხატვრისა

პირველი მისი დამამტკიცებელი საბუთია, რომ ეკუთვნის რეალურ შკოლას, ყოველივე მისგან გამოხატული სურათი ცხოვრების სინამდვილით არის აღბეჭდილი. და რადგან თვით ცხოვრება და მისი მოვლენა იგივე აზრი და იღვა არის, მაშ რა მნიშვნელობა უნდა ჰქონდეს იმ მოკრიტიკის დაფასებას, რომელიც ამტკიცებს, რომ გაბაშვილის მხატვრობა, მართალია, ცხოვრების სინამდვილით არის აღბეჭდილი, მაგრამ იღვა აკლიაო. ცხადია, რომ მოკრიტიკე ან სუსტობს ხელოვნების ცოდნაში, ან და მხატვრობაში მის სატრფიალო ტენდენციას ეძებს. ის კი არ იცის, რომ გ. გაბაშვილის მხატვრობის ღირსება კიდევ იმითია უფრო ამაღლებული, რომ ეს ესრეთ წოდებული ტენდენცია იქ არ არის, როგორც იგი არ არის არც შექსპირის თხზულებაში, არც ბალზაკისაში, არც რუბენსისაში და არც რაფაელისაში. ისინი თავისი მაღალი ხელოვნებით, ვით სარკეში, ჩაგანდევებენ ხოლმე ბუნებაში და ეს თქვენი საქმეა, როგორიც გიამებათ და მოგწონსთ, ისეთი აზრი იპოვოთ შიგ.

გ. გაბაშვილის მხატვრობა არის ჟანრის მხატვრობა. იგი ეძებს ბუნებაში კაცს, ანუ კაცთა გროვას მისი ჭირვარამით, დაუცხრომელი მოძრაობით, ლტოლვილებით, მისი მწუხარებით, უბედური შემთხვევით, სინარულით და ცხოვრების სიტკბოებით. ამ შემთხვევაში მისი აპარეზი ვრცელია და იმდენი ნიჭიც ეტყობა მის ნაწარმოებს, რომ მას შეუძლია შექმნას მთელი ეპოქა მხატვრობაში, ესე იგი ზედმიწევნით დაახასიათოს თავისი თანამედროვე ცხოვრების ვითარება.

პირველმა მისმა სურათმა „სალამო ხვესურეთში“ თვალ წინ გამოცოცხლა საზოგადოთ ჩვენი კავკასიის მთიულეთი თიბათეში და კერძოთ ჩემ მიერ ნახული წონის მიდამო. განსხვავება მხოლოთ ის არის მათ შორის, რომ იქ ხვესური მთიბაევი მიისწრაფიან შინ სალამოს და წონის სათიბებიდან ერწოს ტბის გარშემო ოსები მთიბაევი წავილოდენ შინ მუშაობას შემდეგ მხარზე გადებული ცელებით. საზოგადოთ გ. გაბაშვილი საკვირველი ხელოვნებით ხატავს სხვა-და სხვა ნაირ განათებას, მზის შუქს და ამ ნიჭით იგი სულს უდგამს სხვა-და სხვა მომენტში ჩადგმულ ბუნების სურათებს. გაბაშვილის მხატვრობას საკვირველი სიცოცხლე კიდევ მითი ეტყობა, რომ იგი თავის დღეში სურათს უმოძრაოთ არ ხატავს, არამედ მისი სურათი უქვევლიათ ან სულიერ, ან ხორციელ მოძრაობაშია. მაკალითათ, შეხედეთ ქუთოს, რომელიც ოქროს ფერ კვიცზე ზის და ქობის კალმებში მოაჭენებს ცხენს, თითქმის მტრისგან გამოქცეულაო ან, აი, ეგერ ქართულათ თავ-



დახურული კაპწია მანდილოსანია, რომელიც ხელით დაირას დაყრდნობია და ისე ზის, თვალები განზე აქვს მიქცეული, თითქოს ტოლ-ამხანაგების თხოვნას ელის, აბა, ჩემო დაიკო, დაირა დაუკარიო. რამდენი სიცოცხლე და გამომეტყველება ამ მჯღღამარე უძრავ სურათში! შევხედოთ ახლა შეჭალარებულ ქართველს, რომელიც ზის, თითქოს მართლაც უძრავათ არისო, მაგრამ, აბა, მის ირონიულათ გააობილ ბაგეს შეხედეთ, რამდენი სიცოცხლე მასში?—ის იმწუთას თითქოს სხვას დაცინის... ან მაკალითათ, აი, ლეკებს ქართველი მოუტკლავთ, ყელი გამოუჭრიათ და სისხლი ღვართ წამსკლარა. ოჰ, რა ტანჯვა ეტყობა მის თვალბე-დახურულ სახეს. შეხედეთ იმათ, ვინც ზედ წადგომიან. იმათაც თითქოს არ ჯერათ, რომ ყელგამოჭრილი კაცი ჯერ კიდევ მომკვლარიყოს; ერთ მათგანს მკვდრის ხელი აუღია, თითქოს მაჯას უშინჯავს, ფეთქს კიდევ, თუ არაო. აბა, ახლა, ამ ებრაელის ესკიზს შევხედოთ. ოჰ, რა შეენიერი ტიპია, თითქმის გაგონდება მისი სახე; ბევრგან გინახავს მაგისთანა ფულის ძოტრფიალზე: გინდ ბერდიჩევიში, გინდ ცხინვალში, გინდ ქარელში და გინდ საჩხერეშიაც. იმას ხელში ფულები უჭირავს, მეორე ხელის თითი ბაგეზე აქვს მიღებული, ძალიან საგონებელში ჩავარდნილა, ანგარიშში ფული აკლია, უნდა მოიგონოს და ვერ მოუგონებია, სად დაეხარჯა, ან სად გადაუყვა დანაკლისი. გ. გაბაშვილს, თითქოს თავისი ცოცხალი მხატვრო ფორმით (ЖИСТЬ) თავი მოაქვსო, უფრო მოხუცებულების ტიპებს ჰხატავს, მაგრამ ვერ წარმოიდგენთ, რამდენი სიცოცხლე და ჰაბუკობის ღონე აქვთ კიდევ ამ მოხუცებულებს, რამდენი მხნეობა ღცხოვრების სიტკბოების წადილი უღვივისთ მათ გადალაქლავებულ პირის სახეებს. ესენი ყველანი თითქოს გვეცნაურებიან, მაგათებური კაცები თითქოს ყველას გვინახავს.

გ. გაბაშვილს ეს სიცოცხლის გამოხატვა კიდევ უფრო ეხერხება, როცა იგი რომელსამე გროვას და მთელ ხალხს გვინახავს, როგორც მაკალითათ მისი „ხალს-დივან-ბეგია“ ბუხარის ქვეყანაში, სადაც ხალხი მდინარის კიდვზე გამოფენილა, ნამაზს აკეთებ, ზოგნი კი ნავით გადად-გადმოდინან; ვალმა უზარმაზარი ხეები მოჩანან განუვალ ტყეში, გამოღმით პატიეცემული ბუხარელები წყლის პირას ზიან და ყურს უგდებენ ხალხის ქრიაშულს. ისე ცოცხლათ არის ეს სურათი დახატული, რომ თითქოს ხალხის ჩოჩქოლი მოგესმისო. შევხედოთ ახლა სეიდაბადის ხეში მრეცხელებს. რამდენი სიცოცხლეა მათ რეცხვაში და მიმოძრაობაში. ერთ მრეცხელს თავისი საქმე გაუთავებია, ვირზე აუჯიღია სარეცხი და ჭურჭელი. ეტ-


ყობა, საწყალ ვირს უჭირს ტვირთის ზიღვა, ცალი ყური უკან პატრონისკენ მიუპყრია და შიშობს, ვაითუ კიდევ რამე ამკიდოს ზურგზეო. რომელი ერთი მოეთვალო. მე განზრახ იმისთანა სურათებზე ვსჯი აქ, რომელიც პუბლიკას უფრო ნაკლებათ შეუნიშნავს და დაუფასებია, გასაოცარი ცხოველ-მყოფელობა ეტყობა გ. გაბაშვილის შემოქმედებითს ნიჭს. მე დარწმუნებული ვარ, ეს ჩვენი ნიჭიერი მხატვარი კიდევ უფრო დიდ ყურადღებას დაიმსახურებდა, უცხო ქვეყანაში რომ გამოეთინა თავისი ნაწარმოები. ვურჩევთ ჩვენ შეძლებულ ქართველებს, დაემართონ ამ შესანიშნავ ახალგაზდა მხატვარს, რომ მას შეეძლოს მსოფლიო გამოფენაზე თავისი ნაწარმოების გატანა, ამითი არამც თუ ჩვენი ახალგაზდა მხატვრის ნიჭი დაუფასდება, არამედ თვით ქართველებსაც მეტი პატივი დაედებათ უცხო ქვეყნელების თვალში.

გ. ორბელიანი.



წ ა მ ე ბ ი .

ოღესაც ვზივარ ტანჯული,
ცხოვრებით განაწამეო,
მაშინ საიდღეს იფეთქებს
სასისარულა წამები! —
ის შიშს გატყუარების გულიდან
ამ მაკ-ბელ მასი ფაღასს
და შიგ ადმიგზნებს ციურ ჯღს, —
ამ სასიცოცხლო ძაღას!..
და მაშინ ვხარობ სუღითა
გკძნობებით ამაღლებული,
გუღს მხარავს ტკბილი ოცნება,
შუქ-ნათღათ განახლებული...
და მაშინ ვეტრფი ბუნებას,
ვეტრფი ვანსკეღაღას საბედოს,
კიდევ რომ იგი სატანამ
გამიჭკნოს, გამიბუღოს!..
თვალეში ცრემლი მაღკება
სიამით დასანამეო...
ოჰ, ღმერთო, სშიწათ მაღიწეს
ტანჯულს ამ ვაკარი წამები!..
დ. თომასიანი.



გაზეთი „ივერია“ და მისი საპოლიტიკო ხასიათი.

თუ გინდა შეიტყო ქვეყნის აენ-ჩაენი, თვით მას ფესვში უნდა ჩაუკვირდეთ — თქვა რუსეთის მოლამასრადინმა, კუზმა პრუტკოვმა. მართლაც თუ გინდა შეეიტყოთ რა აჭირობოდა გვს. „ივერია“, როდესაც ის გამოილაშქრებს ხოლმე „კვალზე“ ერთობ უმართებულო პოლიტიკის კილოთი, უნდა მივაქციოთ ყურადღება თვით მისი პატრონის და მომავლინებელის ზნე-ხასიათს.

თ. ილ. ჭავჭავაძემ ჯერ კიდევ მეორმოცდაათე წლებში მიწურულში დაიბეჭდა სახელი მეთაურობის და მედროშობისა. იმას იმ თავითვე ჰყავდა თავისი წრე, ანუ უკეთ ვთქვათ მგალობელთა გუნდი, რომელიც მუდამ უგალობდა, ადიდებდა და აქებდა მის ნიჭს და აზროვნებას. ეს ის დრო იყო, როცა რუსეთში დაჰბერა ლიბერალურმა ქარმა ბატონყმობის გათავისუფლებისამ ზეინც უფრო მაგარ ლიბერალურ ფრაზას წამოიხერხა, ან და ძალიან ლიბერალურ კილოზე ლექსს დაწერდა, ის იყო მედროშე, ის იყო აღმამტრენი, იმას ადიდებდნ და ის დაჰყავდათ ხელით. მაშინ სახელმწიფო სამსახურშიაც ზე განვითარებული საზოგადოების თვალშიაც ლიბერალური ლექსების წერა, სენტიმენტალური თანაგრძობის გამოცხადება გლეხებისადმი და მუშასადმი დაწინაურების ატესტატს აძლევდა ახალგაზდას ხელში, რადგან ამ დროს გლეხების გათავისუფლების დროში თვით დიდმა რუსეთის იმპერატორმა ალექსანდრე მეორემ ააფრიალა. ამიტომაც იმის თანამგრძობელს ყველას კარი ჰქონდა გაღებული სახელმწიფო სამსახურში. ასეთმა ბედნიერმა გარემოებამ ცხოვრებაში ჩვენი პოეტი-მედროშეც გააღალა, და მისი „მადა განდილებისა“ „აღფრთოვანდა“. ამიერიდან მან შეითვისა აზროვნებაში შეუმცდარობის ფიქრი, მოკამათეთა უწყალოდენა, ნამეტურ მას აქეთ, რაც იგი შეიქნა საადგილმამულო ბანკში მილიონების მატრიალეგელი. რაც ხასიათი პატრონს დაჩემდა ერთნაირი გარემოების წყალობით, იგივე ხასიათი შეითვისა მისმა ორგანომ „ივერიამ“, ესე იგი იმანაც აღიარა თავისი თავი შეუმცდარ რომის პაპათ. აი, აქედან აიხსნება ის განვითარებული კილო პოლიტიკისა, ის გამედიდურებული სიამაყე და მალლიდან ცქერა, ის უმართებულო, ყოველ ზნეობას, ზრდილობას და დარბაისლობას მოკლებული უშვერი ლანძღვა-გინება, რომლითაც ჰქვეყნის „ივერია“ „კვალს“ მის დაარსებელანვე. ვის არ ახსოვს, რა უშვერი ლანძღვით და ჩაუკდებლობით ექცეოდნ „ივერიის“ „მეწურნეები“ „კვალის“ რედაქციას. ჯერ კიდევ არავის დავიწყნია 1894—95

წლებში ის გასაოცებელი ლანძღვა-თრევა, თ. ჟორდანიას მიერ მოძღვნილი, გ. წერეთლის შესახებ. მაგრამ განა ახლაც ამ გვარივე შეუსაბამო კილო არა აქვს მის თანამშრომელებს „ჩიორას“, „ვარ...“ ს და სხვა „გაზღაფარებს“ „კვალთან“ პოლიტიკაში? განა კეთილშობილურია ისეთი ქცევა ლიტერატურაში, რომ მობაასე ჩიორგში იმალებოდნ და იქიდან ილანძღვებოდნ?.. განა ეს იმის უტყუარი საბუთი არ არის, რომ თვით მეპოლიტიკეს რცხვენია თავისი უმართებულო კილოსი, თავისი სიმტყუნისა და პირბადე ჩამოფარებული უშვერათ ილანძღება, ათასნაირ კილს გეწამებს, განზრან ტყუის იმ იმედით, რომ იმას „ივერიის“ ფალასებში შემალულს, ვერაინ დაინახავს; „კვალს“ და მის თანამშრომელებს კი ტალახის გუნდებს ესერის, იქნება მკითხველი საზოგადოების თვალში დავამციროთ და სახელი გავუტეხოთო. მაგრამ ნურას უკაცრავათ. ყოველი გამოსროლილი ტალახის გუნდი ისევე უკან უბრუნდება და თუ ფალასებში გამოხვეულს არა, „ივერიის“ და მის პატრონს მაინც შავ ლაქებს აცხებს. ჩვენ, რასაკვირველია, საქმე არ გვაქვს ვილაც ჰსევდონიმებთან, ჩვენ ჰასუხს მიეცემთ პირდაპირ თვით „ივერიას“ და მის პატრონს, რადგან მათი უმართებულო პოლიტიკები იმათ კალთას ქვეშ იმალებიან.

ამ წლის „ივერიის“ № 17-ში დაისტამბა ერთი გძელი ლანძღვა-გინებით შეზავებული ფელეტონი, მიმართული „კვალის“, გ. წერეთლის, ნ. ჟორდანიას და სხვების წინააღმდეგ. ამ სტატიის უმართებულო კილოს გასაცნობათ საქაო იქნება მხოლოთ მისი სათაური და აფორიზმი მოვიყვანოთ:

„ბაზრობა კვალსტების — რიხიანობა — ამპარტაენობა — ფანატიკოსობისა“.

„... ფადაზან-ჭოტენტოტს, ესე იგი კვალს გმიანს, აქებს ჭოტენტოტურს, ესე იგი კვალს საზოგადოებას, გიტ კიტინ ბჭუსკავს ჭსურს, რომ გადმამსრელი მოსკოვის შავი საფსისგან იუოს მსოფლოთ მოწონებუდი“.

(Атлета-потентота восхваляеть готэнтотское общество мнѣние, Князь Китичъ Врусковъ жаждеть одобренія замоскворѣчя).

ერთი ვნახოთ ასეთი უმართებულო კილოთი და რიხით აღჭურვილი „ივერიის“ მწერალი რას უკიჟინებს „კვალს“, გ. წერეთელს, ნ. ჟორდანიას და იმათ თანამგრძობელებს.

„ივერია“ გეწამებს „განდილების სენით შეპყრობილობას“, ყოყოჩობას, ფანატიკოსობას. ამას გარდა ცალკე გ. წერეთელზე ამბობს: „თ. ჟორდანიამ უტყუანის ისტრეიუდისა და ლოდიკუნის საბუთებით დაუმტკიცა ყოყოჩობა კრიტიკისს და მთელ მკითხველ სა-

ზოგადეობას დანახვა ბ-ნ წყნეთის მიერ ჩვენის ისტორიის გასაჩინო უვიცობა. გაიმართლა თუ ანა თავი (რამი?.. არ შეიძლება, რომ გეცნობებინათ, ბ-ნო ცილისმწამებელი?..) ბ-ნ თ. ჟორდანიამ თავის მხრივ გააჩინა გ. წყნეთის რედაქციის ისტორიული წყნაღუბი... მეკე რა? აღმოჩნდა, რომ თუქმე გ. წყნეთელი თითონ თავუკუდმა სწავს ისტორიას და ისეთი შეცთობა გი მოხდის, 1); რაგორც შეიღიშვილის გამეფება ჰაზის წინ“... მერე, ბატონო ცილისმწამებელი, განა ერის, ან კაცობრიობის ისტორიის ცოდნა მისი მეფეების ნომენკლატურის ცოდნას შეადგეს, ეგრეც რომ ყოფილიყო, როგორც თქვენ ბძანებთ? ვთქვით, რომ თქვენცა და თქვენ მიერ დაფასებული თედო ჟორდანი მართლაც და მაგ აზრის ბძანდებით ისტორიაზე, მარა განა ეგ თქვენი აზრა კრიტიკიუმია ისტორიისა? ესე იგი ისტორიის ცოდნის ზომათ უნდა მივიღოთ?.. ჯერ გვიბძანეთ, რა იყო საგანი ჩვენი ისტორიული ბაასისა და მერე დამტკიცეთ, ვინ იყო მართალი და ვინ მტყუანი? „ივერია“ ჩვეულებათ აქეს მხოლოთ იმისი დამტკიცება, რაც თვითონ მოუხდება. იგი კიდევ ჭრის ხოლმე და კიდევ კერავს; მაგრამ მართო უმართლებულო კილო პოლემიკის და უსაბუთო დამტკიცებები ვეღარ გაიყვანს ფონს ვერც „ივერიას“ და ვერც მის პატრონს თ. ილ. ჭავჭავაძეს. განა სამართლიანია დაინტერესებულმა მხარემევე გადაჭრას სამართალი, ვინ არის მართალი და ვინ მტყუანი...

შეირყა ძველი ავტორიტეტობა. აზროვნების წმინდათაწმინდის ტაძარში უკვე წირავს ქურუმი, რომელსაც ხელი აქვს გასერილი, ნდობა შებღალული და აღარც მაყურებლებს რწამსთ უსაბუთებოთ მისი ქადაგება.

როგორ?.. განა მართალი იყო, თ. ჟორდანი რომ ამტკიცებდა: საღეთაწერილი მეოთხე საუკუნეში ქართულათ ითარგმნა არაბული ენიდანო?

განა მართალი იყო, თ. ჟორდანი რომ ამტკიცებდა: გელათის ვედრებისა ლეთისმზობლის ხატზე მეთექვსმეტე საუკუნის იმერეთის მეფე ბაგრატ მესამეა დახატულიო?

განა ისიც მეცნიერული მოქმედება იყო, რომ თ. ჟორდანიამ ძვირფას შატბერდის ხელნაწერში მიწერილობანი მელნით გადასწორა და ისტორიული დოკუმენტი შებღალა?

განა ისიც მართალი იყო, რომ თ. ჟორდანი ამტკიცებდა: ახლანდელი სიონისა და მცხეთის ტაძრები მეთერთმეტე საუკუნის გეგმებზე არიანო აშენებული?.. მაგრამ ან კი ვის ვეკითხები და რას ვე-

1) „ივერის“ მართლწიქას ვტოვებთ ხელშეუხებლათ.

კითხები?.. ისეთ პირს უნდა შეეკითხო, ვისაც საწინა ცოდნა ეტყობა და აქ რაა?..

ახლა ვაღვიდეთ ნ. ჟორდანიანზე. „მარქსის თეორიაში ის მკოდნეაო“ — ამტკიცებს „ივერია“... „ღიან ნოე ჟორდანიამ იცის მარქსის მოძღვრებაო“ და მხოლოთ მისი შეხედულობათ სჯის ყოველ საზოგადო მოვლენასაო. მერე და ეს გასაკიცხავია?.. მარქსის თეორიას ეკონომიური მატერიალიზმისას პოლიტიკო-ეკონომიურ მეცნიერებაში იგივე ადგილი უჭირავს, რაც ღარვინის თეორიას ბუნებისმეცნიერებაში და ბიოლოლიაში. ეს არის უკანასკნელი მეცნიერული დასკვნა პოლიტიკო-ეკონომიაში და სოციოლოლიაში. ნოე ჟორდანი ამ შეხედულობით არკვევს ღღევანდელი ჩვენი საზოგადოებრივი ცხოვრების მოვლინებებს. და, აი, თ. ილ. ჭავჭავაძე და მისი გაზენი „ივერია“ ამას უწუნებენ „კვალის“ თანამშრომელს. მაშ, აბა, ის ემჯობინებოდა, რომ „თათქარძისა და ოთარანთ ქერიის“ შეხედულობით გაერკვია მას ახლანდელი ცხოვრების მოვლინებანი ჩვენში?.. ეგ ხომ მართლაც თქვენებური, ძველებური ფეოდალური შეხედულება იქნებოდა?

„ივერია“ აგრეთვე უკიჟინებს ნ. ჟორდანიას ტრახანობას, ყოყოჩობას და ფანატიკოსობას. მაგრამ ეს თვისებები უფრო „ბაზრობის“..“ ავტორს მოჰკითხვით, რომელიც საოცარი რიხით და უმართებულობით მოგეძახის: ველურების ფალაგანს მხოლოთ ველურა საზოგადოება მოიწონებსო! (ცოტა ზდილობიანათ და გულდამშვიდებით ილაპარაკეთ, ემაწვილო). რაიცა შეეხება ფანატიკოსობას, რომელსაც თქვენ „კვალის“ ახალ თანამშრომლებს აბრალებთ, ეგ ცარიელი სიტყვებია ხომ. ფაქტები, ბატონებო, ფაქტები გვიჩვენეთ, საბუთები წამოაყენეთ წინ; მაგრამ ვაი თუ ვერა. და ჩვენ კი, გენბავთ, ათასობით გვიჩვენებთ თ. ილ. ჭავჭავაძისა და მისი „ივერის“ მიერ ჩადენილ ფანატიკურ მოქმედებებს, როგორც სიტყვით, ისე საქმიითაც. 1)

გ. წყნეთელი.

1) ჩვენ ამას ანას მიუგუმატებთ. მხოლოთ ცილის მწამებელ „ივერის“ და მის „კვას“ მოკუწოდებთ საბუთით დაამტკიცოს ის, რომ ჩვენი წყნაღუბი ვითომ სსვისი წყნაღუბის განმეორება იყოს, რაგორც ამას ეს სასაღმოდის მკვლავაძე უსიჭესვილათ გაიძახის. წინააღმდეგ შემთხვევაში მათ გზნებრივ სიდატაკესთან ერთათ, ზნეობრივი სიდატაკეტ ამკადა იქნება.

ჩვენს სახიობა.

4.30

პიეტეტის 29-ს სიმონიძის საბენეფისოთ დადგეს პირველათ ახალი ისტორიული პიესა კოსტანტინე ბატონიშვილი, ხუთ მოქმედებიანი დრამა, თხზულება ა. ყაზბეგისა. თეატრი თითქმის საესე იყო. მობენეფისეს თანაგრძობით მიეგება საზოგადოება, რამდენიმე საჩუქარიც მიართვეს.

პიესის შინაარსზე და მის შინაგან ღირსებაზე არას ვიტყვი, რადგან დრამა იყო გამოკლებით დადგმული. ჩვენ ვხედავდით სცენაზე მხოლოდ ცოცხალ სურათების გროვას ერთი მეორეზე ზედმიყოლით, — მეტს ვერაფერს. საზოგადოება კმაყოფილი დარჩა ამ წარმოდგენით, მხოლოდ აქა იქ გაისმოდა ლაპარაკი, რომ მსახიობნი მოუზადებლათ თამაშობენო. მაგრამ თვით პიესის შინაარსი ისეთია, რომ, რაც უნდა მომზადებულიყვენ მსახიობნი, იმაზე უკეთ მაინც ვეღარ ითამაშებდენ. პიესამ ვერ მოგვცა ვერც დრამის ილლიუზია (ცხოვრების ბრძოლის წარმოდგინება), ვერც ტიპები დაგვიხასიათა; მხოლოდ ერთათ ერთი ცოცხალი ტიპი დაგვიანხეთ სცენაზე, — ეს იყო მთიული (თუში, თუ ხეესური — სულ ერთია) გორჯასპარ (რომელსაც თამაშობდა შათირიშვილი). აქ ყაზბეგმა თავის ბუნებრივ ნიჭს არ უმტყუნა და ერთხელ კიდევ დაგვარწმუნა, რომ იმას ზედმიწევნით ცოდნია მთიულთა ცხოვრება.

საჭიროთ ვრაცხთ, დრამატულ კამიტეტს და სცენის მოწეს-რიგებებს, რეჟისორებს განეუმეოროთ რამდენიმე შენიშვნა: როცა ისტორიულ დრამებს დგმენ სცენაზე, ილლიუზიის მოსახდენათ ყველაზე უფრო საჭიროა გარეგან წვრიმალობას მიაქციონ დიდი ყურადღება, ესე იგი ისტორიული დრამის მოთამაშენი ნამდვილ ისტორიულ გარემოებაში უნდა ჩაყენონ. გაგონილა, რომ ქეთევან დედოფალს ქალთა ამაღლა, ესე იგი სეფე ქალთა გუნდი არ ჰყოლოდეს და ამას გარდა ორი ლამაზათ გამოწყობილი ყმაწვილი პირფარეშები (პაქები) არ ხლებოდეს? ეფემია მესხს, თუმცა პირადი ღირსება და დარბაისლობა არ აკლდა, მაგრამ უამალოთ ის დედოფალს კი არა, უფრო აზნაურშვილის ცოლს მოგვაგონებდა. მარტო ერთი მეფური გვირგვინის თავზე დადგმა ხომ ვერ დაგვარწმუნებს, რომ ის დედოფალია? ამას გარდა უწინდელ დროში ქუდის მოხდა არ იყო ჩვეულებათ. აბა, თუ რომელსამე ძველ ტაძრებში კედლის მხატვრობაზე შეამჩნევთ, რომ ან ჯარს, ან მის წინამძღოლს ქუდი არ ეხუროს თავზე.

თვითონ ჯარის კაცებიც საკვირველ უზღველობას იჩენდენ ქეთევან დედოფლის წინაშე. ისინი მის წინ მიდიოდენ და თავსაც არ უკრავდენ დედოფალს.

ქეთევანს სპარსეთის მეფე და მისი ამაღლა უფრო მოწიწებით ექცეოდა, ვიდრე საკუთარი ქვეშევრდომები. ერთი სიტყვით, ჩვენ მსახიობებს ეტყობოდათ სრული უცოდინარობა ძველებური დარბაზობისა და ამაში მსახიობები კი არა, უფრო დრამატული კამიტეტი და რეჟისორები არიან დამნაშავე.

არ შეგვიძლია არ მოვიხსენოთ ის შემთხვევა, როცა შაჰ-აბაზმა დედოფალი ტახტზე მიიწვია, ტახტი ისეთი მაღალი გამოდგა, რომ საწყალ დედოფალს ფეხები ჰქონდა ჩამოშვერილი და ამის გამო დიდებული შესახედაობა სულ დაეკარგა. რა იქნებოდა, რომ ამ დროს დედოფლისთვის პატარა ხავერდის სკამი ტახტ წინ დაედგათ, რომ დედოფალს ფეხები ზედ დაეგა. ყველა ამ წვრიმალ შენიშვნებს იმიტომ ვწერთ, რომ მომავალში რეჟისორებმა მიიღონ ეს შენიშვნები მხედველობაში.

X.

ქართული სიტყვაკაზმული ლიტერატურა 1898 წელს.

(გ ა გ რ ძ ე ჯ ე ზ ა . *)

შემდეგ ივერიაში იწყება ვრცელი მოთხრობა „ღლეობა“ დ. მაჩხანელისა. გლეხს სოსიას ერთი ვირის მეტი არა გააჩნდარა და ისიც ღლეობისთვის გაჰყიდა. გლახა დღე დაადგა სოსიას, რადგან ვირის სამუშაო სულ მას დაატყდა თავს. გადაწყვიტა თავისი „მერცხალა“ გამოეყიდა, დაუდგა მყიდველს მუშათ, გაცვიფა და მოკედა. ჯავრმა ვისი ცოლიც, საიქიოს გაისტუმრა და დარჩენ უპატრონოთ ობლები.

ავტორს მიზნათ ჰქონდა ყჩვენებინა, თუ რამდენათ საზარალოა დღესასწაულები სოფლის ხალხისათვის. ის მწერალი, რომელიც ცხოვრებას ხატავს, მხოლოდ ორი გზით მიალწევს ამ მიზანს: ან უნდა დახატოს ისეთი მოვლენები, რომლებიც თავის თავათ ახასიათებენ ცხოვრებას, ან უნდა გაგვაცნოს სხვა-და-სხვა ხასიათები; ხასიათების მიხედვით მკითხველს შეუძლია თვით ცხოვრებაზედაც წარმოდგენა იქონიოს. დ. მაჩხანელს პირველი გზა აუჩრჩევია: მან დაგვანახვა, როგორ აღარიბებს გლეხს დღესასწაული, მაგრამ მარტო ამ პატარა აზრას რეა ფელეტონათ გაქიმევა დაკარგულ შრომათ მიგეაჩნია. როგორც ხელოვნური ნაწარმოები, მოთხრობა მეტათ სუსტია. მთელ პირველ ფელეტონში ავტორმა ერთი დიპლომანი და მისი კენიეა გამოლანძლა, შემდეგ ვირი გაგვაცნო, რომელმაც დიპლომიანს ძილი დაუფთხო;

ის. „კვლე“ № 2.

ერთი ბოლოს სოსიას „მერცხალა“ აღმოჩნდა, ავტორმაც დიპლომიანს თავი დაანება და სოსიას ამბავს მოგვყვა. ვირს რომ ყრპყინი არ გაება, ავტორს აღარც სოსია გაახსენდებოდა და დიპლომიანზე მოგვიყვებოდა რასმე; გამოაკელით ამას გარდა ავტორის რეზონანსობა, გლენების საუბარი, რომელიც სრულიად უალაგოთ არის ორ ფელეტონში გაჭიმული და მოთხრობა ორ ფელეტონშიაც შევნიერთ მოთავსდებოდა. მოთხრობას ავტორი იღებს ქიზიყელთა ცხოვრებიდან. რუსული ანდაზა ამბობს: „მთელ სიცოცხლეს სწავლაში გაატარებ მაინც ბრიყვი მოკვდებიო“. ქვეყნიერებაზე ჯერ ძალიან ბევრი რამ არის აუხსნელი; რაც ახსნილია, იმისი სრულათ შესწავლაც ძნელია, რადგანაც სიცოცხლე მოკლეა, გონება სუსტი; ამიტომ რუსული ანდაზაც მართალია. მაგრამ ჩვენი საქართველო თითქოს იმდენათ პატარაა, რომ მისი სხვა-და-სხვა კუთხის დაახლოვებით ცოდნა არ უნდა იყოს ძნელი; მაუხედავთ ამისა დახვთ ჩვენ უვიცობას! აბა, იცოდი, მკითხველო, თუ ბედნიერი არკადია ქიზიყში იყო? არკადიაში მწყემსი ვაყები და ქალები ერთმანეთის სიყვარულში და ალერსში ატარებენ სიცოცხლეს; ქიზიყშიაც თურმე დახვედებული ბებრებიც ისე ვისიყვარულებიან ერთმანეთს, როგორც ახალგაზდა დანიშნულები. ხან-და-ხან კი ჩხუბი მოუდისთ და მაშინ აღარ გვანან არკადიის მწყემსებს: ძალსა და ღორს უკვლენ ერთი შეორეს საფლაფზე! შემდეგ ნანობენ, რათ ვაწყინეთ ერთმანეთსო, ტირიან, ბოლოს ჩაეკონებიან ერთმანეთს გულ-მკერდში და შერიგდებიან; თუ ქმარი მოკვდა, სიყვარული აღარც ცოლს აცოცხლებს,— ორ კვირაში გაუენებს საიქიოს. ბ. დ. მაჩხანელს რომ არა, ხომ არ გვეცოდინებოდა, რა ყოფილან ეს ქიზიყელები!? აი, სოსია ორმოცდა თოთხმეტი წლის კაცია, სულ გათვრებულია; მისი მარამიც ორმოცდა ხუთის მაინც იქნება: ოცდა ათი წლის ჯვარ დაწერილება ყოფილან და თოთხმეტი წლისა აღარ იყო, რომ გათხოვდა?! ოცდა ათი წელიწადი! ხუმრობაა! მაგრამ ქიზიყში თურმე, რაც ხანში შედიან, უფრო ყმაწვილდებიან, ამიტომ სიყვარულიც უფრო უძლიერდებოთ. მოხუცი, სოსია, მარიამის „მარწყვის ტუჩებთან ტუჩებს აღუღებს“, მარიამიც „ტკიპასავით ეკვრის სოსიას გულში“. ქიზიყში თურმე როცა ქმარი წავა სადმე ორიოდ დღით, „მთვარესავით გაბადრული ცოლი დნება, ბროლ-ლალის ფერი ღოჯები ყვითლათ უხმება, შავი ბრიალა ცეცხლივით გიხვიზა თვალები უჭრება და სხვ. და სხვ. მაგრამ მოვა თუ არა ქმარი, ცოლი ჯერ ცრემლებს აფრქვევს, შემდეგ ყელზე მოეხვევა და მალე ისევ მთვარესავით გაიხსება და გაიბადრება. ყმაწვილებს კი არა, მოხუ-

ცებსაც ასე ემართებათ! რა იდილოია! რა სანტიმენტალური ხასიათის ყოფილან ეს ქიზიყელები! დლოცვილ ღმერთს, რა უნდოდა, მთელი ქვეყანა ქიზიყათ გადაექცია; მთელი ქვეყანა თუ არა, მთელი საქართველო მაინც! ახ, რა ბედნიერი ვიქნებოდით მაშინ! თუ არ გჯერათ, მოისმინეთ პატარა ხანს ოცდა ათი წლის ჯვარდაწერილი მარიამისა და მისი ბებერი სოსიას მუსაიფი— „აგრე სიყვარულით ვიელი და გიფრთხილდები ყოველთენ, როგორც ვასათხოვარი ქალი თავის სანუგეშო სილამაზეს უელის, აკეკლუცებს და უფთხილდება თავის თვალის ჩინივით, ეუბნება სოსიას მარიამი,— შენ რო შეუძლოთ გახდები ხოლმე, მე მოწყვეტილ იასავითა ექცნები, მთვარესავით ვილვევი, სანთელივით ვიწვები, გაზაფხულის ღრუბელსავით ცრემლით ვიღვრები“ და სხვ. არა, ასეთი სიყვარული ხომ არკადიაშიაც არ არსებობდა! ასეთი ლაპარაკი ეინლა შეასწავლა ამ დლოცვილ ქიზიყელებს? იქნება ქართული ენის აკადემიაც იყოს ქიზიყში? წარმოიდგინეთ, ვირებიც კი არაჩვეულებრივი ყოფილან ქიზიყში: თუ პატრონი მოუტყდათ, ტირიან, აღარც ჭამენ და აღარც სვამენ! ან კი რა გასაკვირველია; შავი თეთრთან დაბი, ან ზნეს იცვლის ან ფერსაო: ასეთი ქიზიყელების ხელში ვირებიც რომ დაბრძენებულიყვენ, ადვილი შესაძლებელია ყოველსავე ამას შემდეგ ცხადია, რა ღირსებილაც არის მოთხრობა და ავტორის ნიჭი. ბ. დ. მაჩხანელმა ასეთის მოთხრობებისაგან ამ წელს მაინც დაგვიფაროს. თუ იმას შევენეთ, ეს იმიტომ რომ ახალგაზდა მწერლები გაგვეფრთხილებია, როგორ არ უნდა წერონ და ერთი გარემოება აღგვენიშნა: მიუხედავთ იმისა, რომ მოთხრობა მეტათ სუსტია, მასშიაც შეამჩნევს მკითხველი, რომ ქიყიზის სოფლის ძველი ცხოვრება იშლება; სოსია ნახევარჯერ დლიურ მუშათ უდგია მდიდარ გლენებს და ამით ირჩენს თავს. სოფელი ვაჭარ-კარაპეტებს, გამდიდრებულ გლენებს, მამასახლისს ჩაუგლიათ ხელში და გლენებს ტყავს აძრობენ. ეთქვათ, დეპომ კარაპეტები აბარგა; მაგრამ ადგილობრივ მდიდარ გლენებს რაღას უზამს, როცა ისინი კარაპეტებზე უკეთესი თუ, თვარა ნაკლები აღარ არიან? ჩვენი შეძლებული გლენკაცი-სთანა ღარიბი ადამიანის შეუბრალებელი, დამხრობი და ამოსაწყვეტი ქვაწვია ურია ენგიდუნიაზედაც არ იქნებოა“, ამბობს მათ შესახებ სოსია.

ივ. გომარტელი.
(შეძვეტი იქნება)

პ ი რ ი მ ე ჯ

რომანი

ნაწილი I.

ბატონ-ჟოჯის დრო.

III.

(გაგმელებს) *


ანასტასიას ჰყავდა ერთი მოხუცებული გამდელი, რომელთანაც ყველა მოკრძალებით იყო ოჯახში. ის იყო სამოცდაათი წლის მოხუცი. მის სიხარულს საზღვარი არ ჰქონდა, როცა მის გაზდილ ქალბატონს ბოლოს შეილი გაუჩნდა. ამ მოხუცებულს ყველა „გადას“ ეძახოდა. ის სრულიად დეპატრონა გვრიტიას და დაუწყო ზრდა. ეს მოხუცებული დედა-კაცი ჯერ კიდევ მხნეთ იყო. ურიგო საქმეს ახირებულათ ოჯახში მოსამსახურე გოგო-ბიჭებს არ ახედვინებდა. ფარეშებს და მზარეულებს მისი ძალიან ეშინოდათ. იმას მოხუცებულობაში კბილები ხელმეორეთ ამოუვიდა. ამ ამბავმა ძალიან დააშინა მოსამსახურეები. მალე ხმა გავარდა, რომ ბატონის გამდელი კუდიანი არისო „თუ არ კუდიანს, საბერეში სხვას ვის ამოუყუა კბილებიო — ჩურჩულებდნენ გოგონები და შინაყმები. ანასტასიას გამდლის უგრძობრობა და დაქმუქვნილს სახეს პატარა შავლევარე თვალები ბევრს სიციცხლეს აძლევდა. როცა გააჯავრებდნენ, მაშინ მაინც მეტათ უმატებდა თვალების ბრიალს. იმას მუდამ შავები ეცვა. წელში მოხრილი გამდელი ხშირათ დადიოდა ღამ-ღამობით სამზარეულოსა და ოდას შუა ან გვრიტიას საქმლისთვის, ან თავის გაზდილის ბრძანებით. იმან ისე ჩუმათ იცოდა სიარული, რომ გვეგონებოდა, მიწაზე ფეხს არ აკარებდნო. საღამოთი, როცა გამდელი სამზარეულოში მიდიოდა ხოლმე, რომ ვისმე დაენახა, ასე იტყოდა: ეს შავი სუღარა ღამურასავით რომ მოუტრინავს, ნეტა რაუნდა იყოსო? მოახლეებს და ბიჭებს მაინც ძალიან ეშინოდათ იმასი, ნამეტნავათ საღამოობით ცდილობდნენ წინ არ შეხედროდნენ და თუ ვინცოცხა შეხედებოდნენ, მაშინვე პირჯვარს გამოისახავდნენ, სამჯერ გადააფურთხებდნენ პარსხნით და წაიბუტბუტებდნენ: „არული კუდიანებსა, ჯვარი აქაურობასაო“. მოსამსახურეებში გამდლის კუდიანობაზე ჩუმათ ბევრი მითქმა-მოთქმა იყო, მაგრამ ხმა-მაღლა ქარს მაზე ვერავინ ბედავდა, რადგან ანასტასიას ძალიან უყვარდა თავისი გამდელი, ნამეტურ მას შემდეგ, როცა მან თავგანწირულათ დაუწყო პაწია გიტოს მოვლა. ის რომ უფრო შეჩვეოდა მოხუცებულ გადას, ტკბილ საქმელებს არ გამოილევდა ჯიბეში. ამის გამო გიტოც ძალიან მიესაკუთრა თავის დედის გამდელს. ხან-და-ხან მოხუცებულ გამდელს ჩვეულება ჰქონდა, მეზობლებსკენ გასერივნება. როცა გადია უკან დაბრუნდებოდა, გიტო ჯერ კიდევ შორიდან მოატანდა თვალს და მაშინვე გაეშურებოდა იმისკენ ძახილით: „გადა მო-

ვიდა, გადიაო“! გამდელიც დიდის ამბით მიეგებებოდა და თავის გაზდილს, აიყვანდა ხელში, გაჰკოცნიდა და ჰკითხავდა: „ხომ არავის აუტირებიხარო?“ გიტო დიდის ალერსით შეცქეროდა ხოლმე გადას თვალეში და თუ იმას დაავიწყდებოდა ჯიბეში ხელის ჩაყოფა, თვითონ გიტო გაიშვერდა გადას ჯიბისაკენ ხელს და მოჰყვებოდა კრუსუნს: „მომე, მომე, მომეო“!

გიტო ორ წლამდის უფრო თავისებურათ ატარებდა დროებს. ის შეეჩვია ბუჩარში ნაცრის ქექას. ხელში ერთი პატარა ჯოხი ეჭირა ხოლმე და გაჯავრებით ცემდა ნაცარს, რომ იმის ახრით ჰაერში ადენილი ნაცარ-ტუტა ისევე ძირს ჩამოვლავებინა, მაგრამ რაც უფრო გამწარებით ცემდა, ისე უფრო ბევრი მტვერი აღიოდა ჰაერში და ჩამოსვლით კი არ ჩამოდიოდა. ეს გარემოება გიტოს გააჯავრებდა ხოლმე. ის კიდევ უფრო მოუჩქარებდა ცემას და სულ მტვერში ამოიგანგლებოდა. როცა პირში და ცხვირში შეყრილი მტვერი ბოლოს იმასვე შეაწუხებდა, მერე მორთავდა ტირილს. ამდროს ხან დედა, ხან გამდელი — ეს იმაზე იყო დამოკრდებული, ვინ უფრო ადრე გაიგებდა ბოვშის ტირილს, — მივარდებოდა და გამოიყვანდა ბუხრიდან ნაცარში ამოსვრილ გიტოს.

ერთხელ გიტო იჯდა ბუხრის წინ და იყო გართული თავის ჩვეულებრივ საქმეში, ფეხები ნაცარში ჩაეყო და ერთი ალაგიდან შეორეზე გადაჰქონდა ნახშირები. ყმაწვილს დიდი წყნარი თვალები სიამოვნებით მიეპყრო ნახშირებისთვის, რომელთაც წკვპლით როზგავდა და ისინიც ხტომით ართობდნენ გიტოს გონებას. ბოვშს პაწაწა ქვედა-ტუჩი ღამაზათ ჩამოვარდნოდა, ცხვირის ნესტოები ხან უდალდებოდა, ხან უპატარავდებოდა. მისი ყურადღება ერთმა პაწია ნახშირმა მიიქცია, რომელსაც ჯოხით ავლებდა, მაგრამ რომ ვერ მოახერხა მისი გადაღება, მერე ხელი წაელო, ჩაიდვა პირში და შაქარივით კერხა დაუწყო, თითქოს ნახშირი დასაჯა გაუგონრობისათვის. არ ეიცო, რა გემო ნახა მან ამ ნახშირში, მაგრამ ამას შემდეგ ვერას გზით ვეღარ მოაშლეგინეს ნახშირის ჭამა. ბოლოს დედამ ერთი ღონისძიება იხმარა. როცა გიტო ნაცარში იჯდა, წინ დაუდვა ძალიან ცხელი ნახშირი, რომელიც, ის იყო, გაექრო. გიტომ წაელო ხელი მას და პირში იტაკა. ნახშირმა პირი დაწვა და გიტომ მორთო წივილი. მას აქეთ თუმცა ნაცარქექიაობა სამ წლამდს ვერ მოაშლეგინეს, მაგრამ ნახშირის მაინც ხელს აღარ ჰკიდებდა. ანასტასიას ერთი პატარა ექვის წლის გოგო ჰყავდა გიტოს სამხანაგოთ, სამი წლით მაზე უფროსი. ამ გოგოს ერქვა მარინე. სხვათაშორის ქალბატონი მას ხელზე სამსახურსაც ასწავლიდა. ეს გოგო მუდამ ფეხშიშველა და თმა-გაბურძნეული დადიოდა. დაფლეთილ-დახეული კაბის ჩაქები მუდამ შალტებათ ჰქონდა წელზე ჩამოკიდებული. როცა ქალბატონს პირს დააბანიებდა, ხშირათ გავსებულ ტაშტს კი არ გადაღეროდა, საღმე. ოთახის კუთხეში მიდგამდა. გიტო ერთხელ წააბყდა წუმზე წულით გავსებულ ტაშტს და გაიხარა. იმან მაშინვე წარმოიღვინა: „დედა თუ პირს იბანს, მე რატო ვერ დავიბანო“. იქვე

*) ის „კვალი“ № 4.



მიუჯდა წუმზე წყლით გაესებულ ტაშტს, ჩაჰყო ხელები და დაიწყო ჭყუმბალი; მერე პირზედაც შეისხა. ბოლოს ისე გაწყუმბლა, რომ წყალში ამოვლებულ წიწილას დაემგზავსა.

„აჰ, აჰ!.. რას შერები, შე საძაგელო! გიტო, ეგ რა ამბავია? — შეუძახა მეორე ოთახიდან შემოსულმა დედამ, მივარდა და მწვირიან წყალში ამოწკუმბლული გიტო აქეთ გამოათრია. „მარინე, მარინე!.. — დაუყვირა გოგოს, რომეღმაც, რაკი იგრძნო კარგი არა დემართებოდარა, მწუნარებით გააგონა: „ბატონო! — ჰა, შე უკმეხო, რატომ დატოვე ეს ტაშტი, რომ არ გადაგიქცევია!.. მოდი ახლავე აქ, შე მძინარა, ზარმატო?“ — მიწედა მკლავზე ანასტასია და ისეთი უჩქმიტა, რომ გოგომ უნებურათ დაიკივლა.

ხშირათ მოხდებოდა ხოლმე, რომ გიტოს თავით თეხამდის ტალახში ამოსერილს გაბანდენ, მაგრამ ნახევარ საათს შემდეგ ისევ მწვირის ღელე ჩაწიწკინებდა. ცოტათ რომ მოიზარდა, ასე ხუთი წლის რომ შეიქნა, გიტო ძალიან დაუმეგობრდა მარინეს, რომელიც მუდამ თან დადევდა ბატონიშვილს ეზოში. თუ კარგი ამიდი იყო, მთელი დღე არცერთი შინ არ შემოიხედავდენ. როცა სადმე წუმზე წყალს ნახავდენ, გიტოს, თითქმის აღდგომა გათენებოდეს. ის მაშინვე უპრძანებდა მარინეს, ტალახის ზელა დაეწყო. თვითონ გიტო ხურთ-მოძღვრებას დაიჩემებდა და მაჰყევბოდა პატარა კენჭებით სახლის შენებას. ახლა მარინეს სხვა მასალაზე გაკზნენიდა. რაც შეიძლებოდა, ბევრი ჩხირები უნდა მოეგროვებინა, რომ ახალი ამენებული სასახლისთვის საეზოვე შემოეღობათ. მერე შიგ ბოხტნის კეთებას მოჰყევბოდენ.

გიტო დადხანს ვერ შეეჩვია ფეხსაცმელს. თ. რევაზი როცა ქალაქში წავიდოდა ხოლმე, იქიდან შეუძლებელი იყო, რომ თავის ქალიშვილისთვის რამე ახალი არ ეყიდა. გიტოს ძალიან უყვარდა წითელი, ან ყვითელი „ფაჩიჩები“. როცა მამა მოუტანდა, მაშინვე აუტყვებოდა დედას: „ჩამაცვი, ჩამაცვი“. მაგრამ ორი დღის მეტს არ ყოფნიდა ხოლმე. რაკი მოიხალისებდა, მერე ევლარაგინ მიაკარებდა ფეხსაცმელს. გიტო ჩაიცვამდა თუ არა ახალ ფაჩიჩებს, მაშინვე კარში გავარდებოდა მალე ამოსერიდა ტალახში და რაკი ერთხელევე ფერი წაუვიდოდა ფაჩიჩებს, ის იყო და ის. ფეხზე ევლარაგინ მიაკარებდა.

ერთხელ გიტო და მარინე ოდის წინ ორმოს თხრიდენ. ზევით ოდაში სანათურთან ანასტასია იჯდა, რალაცას კერავდა და დრო-გამოშვებით იქიდან თვალს ადევნებდა ძირს თავის დაუცხრომელს გოგონას. ბოგშებმა ორმა რომ მოთხარეს, მერე გიტომ უთხრა მარინეს, წყლით გავამსოთო. მაგრამ ის კი აღარ იცოდენ, წყალი რითი უნდა მოეტანათ. ჭურჭელი ვერსად იშოვეს. გიტოს ბევრი აღარ უფიქრია, გაიძრო ცალფეხზე ახალთ-ახალი ფაჩიჩი და იქვე მახლობელ ქენჭოდან დაუწყო მითი წყალს ზიდვა და ახალ ამოთხრილ ორმოში სხმა. ამ დროს ანასტასიამ ოდიდან გადმოიხედა და, რომ შენიშნა, გიტოს თავისი წითელი ფეხსაცმელი წყლის ჭურჭლათ გავხადა, დაუწყო წყრომა: — ჰა, ჰა, შე გლახა გომბიო!.. რას შერები მაგას, შე ბინძურო, მურტალო!.. ახლავე გადააქციე წყალი ფაჩიჩიდან, თვარა მოკვალე, ეს

არის!.. გიტო ნუ მომიკვდება, ცხვირპირს დავიხუჭავ! შე, მურიანო შენ!.. — შეძახა ანასტასიამ თავის პატარა ქალს. — წადი ახლავე წაუღე გადიას ეგ გასერილი ფაჩიჩები, თვარა გაგლახამ!..

გიტო ძალიან უარზე იდგა. ისე იყო თავის მუშაობაში გართული, რომ სანამდის ორმოს არ გაავსებდა, მანამდის რომ კიდევ ეისმე მოეკლა, თავის დანებებას არ აპირებდა და შორიდან უძახოდა დედას: „ალა, ალ წაველ, ალ მინდა, ალა!.. ბოლოს რომ ბძანებით ევლარა გააწყორა, ანასტასიამ გადაძახა მარინეს: „აქ მომგვარე ეგ საძაგელო“. თუმცა მარინე ბევრათ უდიდესი იყო გიტოზე, მარა რაკი იმან თავის მეგობარს ვერავობა შენიშნა, მაშინვე თმაში ეცა მარინეს და შეიქნა მათ შორის მიწვევ-მოწვევა. ანასტასიამ ასეთი უკმეხოდა ევლარ მოუთმინა თავის ქალიშვილს, გამოუვარდა გარეთ, ჩამოვიდა საჩქაროთ კიბეზე, სტაცა ხელი თავის ურჩ ქალს, მიტყუბა და ამოათრია კიბეზე.

გ. წერეთელი.

(შემდეგი იქნება)

უცხო სიტყვების ახსნა.

პრესსა — უჭნაღ-გაზეთები. სფერა — სიმკვლე, გაქმეობა, წყ. სოციალური — საზოგადოებრივი. სანტ-ბენტალური — გმხნობაზე აშენებული. რეზონიორობა — გაცუთიფი აზრების ღუჭვა. მიტინგი — ყრილობა. რადიკალი — ძირითადი ცვლილების მიმდევარი. კონსტიტუცია — სათემო მართვა. თეორია — მეცნიერებას ახსენსელი აზრგუნება. პრაქტიკა — გამოცდილებითი მოქმედება. ტრადუციონი — მუშათა კავშირი. პროცენტი — საჭკებელი. პროლეტარი — ბოგახა, უსაკუთრებო მუშა. ნაციონალური — ერგუნული. მანიფესტაცია — ქვეყნის საჭიროების გამოთქმა, გამოამკაცება. კრიტიერიუმი — ყოველგვარი მსჯელობის საზომი.

გ ა ნ მ ხ ა დ ე ბ ა

მ. ტ. მერვასოვისაზან:

მივიღეთ დიდი ზომით ცნობილი ფირმებისაგან გამოგზავნილი

საუტკეთესო აბრეშუმის თესლი,

პასტერის სისტემაზე დაკვეთილი ჩვენგან: ფრანციული, იტალიური და ბალდათური. ვისაც სურს შეიძინოს ეს აბრეშუმის თესლი, მან უნდა მიმართოს: ქუთაისში, ადვოკატის ქუჩაზე, აკოფოვის სახლში, მერვასოვის ბინაზე და მმართველს ანტემ ანჯაფრადიქს; სოფელ ჩხენისში, ნიკო გლახუას ძე ბრელიძეს თავის საკუთარ სახლში; სამტრედიისში, სპირილონ მელქაძეს; აბაშაში ალექსანდრე ანჯაფრადიქს.

აჩის გასაყიდი ბეჭდის თესლები და ნეკვები

მ. ტ. მერვასოვისა.

(2—1)

ქვემოთაა-გამომცემელი ან. თ.-წერეთლისა.